

增補甘泉縣志

拾捌函

增修甘泉縣志卷二十一

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰續輯

甘泉縣知縣徐成敷 桂正華 朱公純 增訂

藝文志下

詩

明劉基四月十二日發揚州幾見明月滿猶嗟行路難
時平恥無用身賤敢偷安天地山河濶風沙道路寒旅
人元有淚不必雍門彈

覆瓿集

汪廣洋與欒鳳同使廣陵馬上偶占二首同爲故鄉人

增修甘泉縣志

卷二十一

藝文

一

同入故鄉里雖無故鄉親還飲故鄉水城郭烟火餘笳
鼓連雲起聊以一杯酒醉向松樹裏 昔爲歌舞地今
爲爭戰場與君騎瘦馬聯轡踏斜陽荒草侵路合苦蒿
生過牆遙憐鮑明遠詞賦最淒涼

鳳池吟稿

顧亮廣陵夜泊風風雨雨暗江津愁裏清燈照一身夜
半忽聞江上櫓往來還有未歸人

列朝詩

陶安廣陵楊節婦詩堂上舅姑嗟老苦膝下兒啼未能
語孤鸞何心鏡中舞綠鬢年才二十五甘旨供餘勤鞠
撫舅姑歡顏兒飽乳誓有一心無二主本欲同歸九原
土手拋粉黛獨紉組燈照空幃泪如雨嫠居守義能自

許觸目艱難不憂沮夫天寥濶幾寒暑兒有文章輝藻
黼竹西綺羅眩傍午翠箔珠簾鬪嬌舞五方雜俗日殊
古貞烈無聞世何補斯人秉德天付與乃以三從鑄肺
腑春官旌名眞盛舉共看光彩生門戶丈夫明理蹈規
矩鬚眉蒼蒼本翹楚爲臣不幸遭險阻忠國立身當審
處爵祿才猷輕一羽大節或虧何足取嗚呼大節或虧
何足取不及閨中賢婦女

陶學士集

前人五月一日與黃仲珍雷景陽酌於維揚抵暮出城
晚至瓜洲有懷同貢金景蘭姚仲誠周于一林元凱相
約不至更次韻爲別以寄拳拳之餘意蕩舟竹西聞好

增修甘泉縣志

卷二十一

藝文

二

歌飄如仙槎泛銀河青樓旁市捲珠箔舞裙綠皺如春
波香消紅藥彩鸞去其如青鏡寂寞何金盤露清笋芽
白小住半日非蹉跎雪乳泉甘醒午醉瓊花霧散與客
過吹簫玉人杳然逝橋亭拂柳空峩峩櫓聲帶晚出城
去初月光吐新鎌磨梅天雨歇黃潦漲瓜洲渡近青山
多我懷初歸有髦士金姚學富精蒐羅閩南周林師友
盛未見入室操吾戈賦妙能追司馬聖策高反黜劉蕡
科荆門有約久未至回望不見玲瓏珂黃君雷君吟嘯
共蕭然行李餘無它客途分襟心暫苦詞場秉筆肩還
摩江流如黛送孤棹離觴不辭顏易酞佳哉璞玉當見

遇肯使抱恨同卞和

王禕揚州春滿揚州廿四橋何人騎鶴聽吹簫瓊花芍
藥猶閒事且訪平山舊柳條

華以集

張以寧題廣陵姚節婦卷黃鵠不重適哀鳴常自憐披
心當白日留面覲黃泉寂寂誰能爾滔滔獨汝賢廣陵
姚氏傳史館幾時編

翠屏集

前人分題蕪城烟雨送吳原哲教諭蕪城路年去年來
自烟雨冉冉春濃濕燕絲濛濛曉暗迷鶯樹鮑昭愁絕
未歸來爲畫當時斷腸賦登高悵望正思君帆影微茫
又東去

同上

增修甘泉縣志

卷二十一

藝文

三

錢宰送朱叔英還維揚策策西風木葉稀故鄉何處雁
南飛岷嶓萬里秋江落淮海維揚獨客歸鐵甕帶潮催
曉渡金盤壓酒浣征衣高樓明月如相憶一髮秦嵇瑣

翠微

臨安詩集

高啟廣陵孫孝子愛日堂昔自中原兵甲動志士憂時
心久痛千村殺戮雞犬無骨肉誰家保相共揚州受禍
聞最深徒恃堅城鐵爲甕城中義丁一百萬畱爲溝溪
不成用至今草長鬪體臺月黑精靈尙哀慟君時負親
獨竄匿何異網魚逢脫縱遠道秋風舊橐空長江暮雨
孤帆重揭來君鄉今年孝友爭傳似張仲雖嗟故里

未能歸却喜新堂還可奉盡歡唯啜小人羹致養寧須
大官俸只愁老景苦駸駸羲馭西馳疾飛鞚晝看花影
願遲移晚聽角聲驚早弄長繩未解繫飛鳥每計餘年
憂且恐嗟余少已失庭闈宰木亂來無地種欲娛朝夕
難再得誰惜流光去如夢自慚不及君慶多灑泪蓼莪
空廢誦寸心猶願時早平重爲河清作歌頌萬國同看
化日長生能養親死能送

大全集

管時敏送程彥明歸揚州分韻得愁字離人江上發歸
思滿芳洲客路烟中樹春帆雨外舟青山千里別白首
十年遊應有瓊花咏還將慰遠愁

蚓竅集

增修甘泉縣志

卷二十一

藝文

四

楊基送句容劉少府回揚州家具一車輕囊書與短檠
吏多難別意人有去官情帆影江沉寺簫聲月到城竹
西尋舊業烟雨綠蕪生

眉菴集

張羽揚州道中馬頭津口足風波歲晏遙乘一傳過南
渡客來多漢語下江船去半吳歌蕪城總入新編戶瓜
步斜連古漕河何處吹簫明月夜野田茅屋曉烟多

集

靜居

徐賁揚州僧舍見花有感風遞穠香到水涯幾株桃李
映門斜侯家園圃多荒廢不是僧房不見花

北郭集

前人揚州竹西亭下路迢迢騎鶴仙人不可招秋草秋

烟滿城郭月明何處夢吹簫

孫蕢過揚州二首江上垂楊覆白蘋斜陽啼鳥斷吟魂
朱樓翠箔今何在一帶寒城瑣暮雲 垂楊白白折殘
枝春盡瓊花作雪飛少日狂吟今是夢竹西歌吹舊臺

池 西菴集

葉谷亮邗溝懷古丞相三軍出曾聞此散亡黃蘆今夜
月白骨舊時霜世已尊王室人猶說戰場維舟重感慨
涕泪在衣裳 明詩綜

王恭廣陵懷古海門潮落見瓜洲雲樹蒼茫馬上遊千
里河山歸禹貢百重烟水入淮流蕪城積夢瓊花月隋

增修甘泉縣志

卷二十一

藝文

五

苑傷心碧草秋二十四橋人靜後爲誰還倚木蘭舟 皆山

集

劉炳江都行蕪城繁華天下美處處離宮鬪紅紫綵女
龍舟錦作帆內宮鳳苑花裁綺芍藥珠簾十二重楊柳
御隄三百里路車巡幸翠華留夷夏梯航覲冕旒縣邑
貢眞三祝獻諸侯稱壽萬年酬盤淫酒色窮侈肆晏安
鵠毒亡邦祀西苑歌鐘午夜遊東遼輜重三軍死寶成
殿上奏鸞棲晉陽城外飛龍起故國傷心非昔時五雲
宮闕草淒淒東風寂寞雷塘路月暗秋陰鬼火啼 春雨軒集
史遷揚州廢城錦繡樓臺十萬家重來此地謾咨嗟毀

垣夜雨生秋草荒戍西風咽暝笳翠袖不聞歌玉樹錦
帆無處問瓊花平山堂上垂楊柳瘦倚青烟日又斜

青金集

集

袁華廣陵雜興二首十年不到廣陵城依舊瓊芳弄晚
晴綉被土甗于闐寺寶裝刀劍鎮南營樓飄簫鼓雲中
響地接烟花日外明小杜風流今寂寞誰攜紅袖按新
聲 長江天險隔南徐千古英雄恨有餘玉樹歌殘龍
虎地錦帆船下斗牛墟柳迷竹浦寒鴉聚水漫雷塘野
老漁欲弔文章賢太守山堂零落昔年書

可傳集

史謹過揚州長空開霽晚霞明篷底淮山隔岸青鴉散

增修甘泉縣志

卷二十一

藝文

六

黑雲爲陣勢風飄紅雨作秋聲蕃釐玉樹應無種東閣
官梅尙有名惆悵牧之招不得與誰同醉竹西亭

獨醒亭集

程本立揚州揚州城下是官河春雨春風自綠波欲問
繁華舊時事太平遺老已無多

巽隱詩集

向壽宿江都懷古煬帝東巡建此都金門玉殿接天衢
樓船春轉紅裙艣騎士秋爲寡鵠圖兵散高句無返日
花捐空閣有遺珠孤篷夜憶千年事夢覺寒鴉散井梧

向氏青
箱集

袁凱揚州逢李十二衍二首與子相逢俱少年東吳城
郭酒如川如今白髮知多少風雨揚州共被眠 最憶

東家水調聲花前檀板雜流鶯此時我醉君猶醒舞到

梧桐白露生

在野集

前人適揚州淮海表茲郡東南誠要津近代六雄藩親
王蒞斯民荆吳自茲入燕趙亦來臻舟車無停運孳貨
若邱墳冠蓋充鄠里歌吹咽城闈美酒旣如澠梁肉夾
道陳休養近百年富庶難具論大道無恒處榮悴每相
因風烟一披拂奄忽同埃塵空屋嘯蹲鴟崩垣走驚麇
萑蒲交四野齒骼儼若新貴賤不復知賢愚安能分予
有山陽恨經過屬秋辰憑高肆遐覽落日無行人欲繼
蕪城作薄劣愧參軍

同上

增修甘泉縣志

卷二十一

藝文

七

楊士奇晚過揚州朝辭儀眞壩暮過廣陵城前汀交暮
色遠渡聞鐘聲微微初月輝湛湛天宇澄仰首望北辰
眾星燦然明商飈從西來忽忽涼思生掩篷坐終夕慨

然念修程

東里集

胡儼過揚州舊說揚州天下聞繁華如夢欲銷魂可憐

杜牧多情思曾向樽前問紫雲

頤菴文集

曾檠維揚懷古和胡祭酒韻廣陵城裏昔繁華煬帝行
宮接太霞玉樹歌殘猶有曲錦帆歸去已無家樓臺處
處惟荒草風雨年年自落花古往今來多少恨只將哀

怨付啼鴉

巢睫集

金實過揚州春風三月廣陵隄萬樹垂楊水面齊錦纜
不歸歌舞散乳鴉空向夕陽啼

覺非齋集

聶大年過揚錦帆三月下江都試問瓊花尚有無煬帝

行宮秋寂寞廣陵烟樹晚模糊春風紫陌尋芳地落日

青帘賣酒壚二十四橋今夜月清光偏照客心孤

皇明風雅

邱濬辛未歲過揚州懷古秋風歸棹倚蕪城一片閑情

對月明錦纜起鷗傷往事青錢跨鶴笑狂生吳公塘路

已陳跡后土祠花空有名欲訪平山舊闌檻有無山色

暮雲橫

瓊臺會稿

劉溥晚過揚州長河懸落照短棹尙孤征衰柳愁邊斷

增修甘泉縣志

卷二十一

藝文

八

殘霞雨外明人喧揚子渡鐘動廣陵城漸去鄉關遠淒

然倍旅情

草牕集

劉鉉揚州瓊花人去久凋零殘柳逢春只自青落日江

頭見漁火却疑宮裏舊飛螢

劉文恭公集

鍾政揚州樹繞人家水繞城何郎去後若爲情不知東

閣梅花處二十四橋空月明

明詩綜

史傑蕪城別唐宗古洋子江頭漲綠波分攜無那故人

何明朝相憶重回首莫厭江雲嶺樹多

襪線集

李東陽聞揚州潮漲五月金陵江水平揚州郭裏見潮

生殊方消息逢人地遠客悲歡此夜情卽遣帆檣無阻

滯莫教魚鱉太縱橫漕舟百萬東南計早晚元戎達上

京懷麓堂集

吳與弼邗城丹陽古渡接瓜洲萬頃黃雲麥正秋一榻

午風清夢覺又題新句過揚州康齋先生文集

馮蘭鶯食蝗一章揚州屬縣蝗在地爲鶯所食飛者以翼擊死詔禁捕鶯禿鶯禿

鶯胡不食魚胡不食蟻念我民窮擊蝗死死蝗食盡苗

復蘇慎勿捕爾長爾雛雪湖集

吳寬曉發揚州遇雨雞鳴揚子灣人發廣陵驛草深路

不分潮長舟難逆故國去非遙懷歸心日劇濃陰忽復

來前村又投跡匏翁家藏集

增修甘泉縣志

卷二十一

藝文

九

王鏊送馮原孝知揚州東南佳麗隔江分我昔登臨倚

半醺瓜步帆檣天末見竹西鼓吹月中聞高名自昔推

揚一健足他年失冀羣父老要知新太守聰明慈愛漢

馮君王文恪公集

夏鍬廣陵九曲池亭龍氣消誰家水調共蘭橈眼前亡

國無多恨江水東邊是六朝赤城集

石珣江都曲金篴吹笙絳跨謳君王自理臥筇篻夜深

未喚憨憨寢一曲歸飛萬里愁熊峯先生詩集

王越寄維揚故人故人不見思蕭條萬里維揚去路遙

別後玉簫清似水數聲吹斷綠楊橋王襄敏公集

沈周廣陵市鶴聞說揚州好風光記昔年瓊花已天上

買鶴解腰錢

沈詩補遺

顧清揚州水關作三過揚州十五年中間月日似流泉

平山花竹隋宮柳又落東風一夢邊

東江集

謝鐸送董德和之官江都晚冬風日雪初收匹馬衝寒

亦壯遊唾手功名今甲第少年冠蓋已邦侯揚州地濶

休騎鶴渤海春深合買牛雞割莫言真小試半生心跡

此相酬

桃溪淨稿

張伯奇送襄陽鄭伯興節推揚州

時孫公祿爲揚州守

揚州太守

天下稱節推更得人中英撫循百姓共今日何似腰纏

增修甘泉縣志

卷二十一

藝文

十

騎鶴行送君南行復南眺大江咫尺環蕪城濟川舟楫

滿眼在江中風浪何時平

四友亭集

嚴嵩揚州別舍弟作伴來吳越那堪此地分還同廣陵

月獨向楚山雲客路頻加飯文場早策勳要寬千里念

時遣尺書聞

鈐山堂集

何景明送蔣子雲冬官病還揚州臥病長安不出門話

歸南國暫留尊春來日日風塵色海半冥冥天地昏坐

傍桃花停岸舸行隨楊柳到江村楚山亦有蘼蕪草遊

子空傷萬里魂

大復山人集

徐積卿文章烟月風霜獨臥閒中病時節偏催壑口蛇

籬下落英秋半掬燈前新夢鬢雙華文章江左家家玉
烟月揚州處處花會待此心消滅盡好持齋鉢禮毗耶

徐迪
功集

邊貢次韻何子元移住揚州巷第宅三年已四遷買鄰
銷盡賣文錢極知萍梗皆身外且逐東風過眼前伏枕
夜通騎鶴夢散衙秋斷看山緣相從欲問城東社聞說

曹郎本是仙

華泉集

王廷相廣陵行野客回橈噴霜雪廣陵烟水春迷茫海
門潮上如砒石揚子逆捲飛濤長古來形勝眼前在人
事紛靡日華改二十四橋赤闌新祇今明月長相待荒

增修甘泉縣志

卷二十一

藝文

十一

唐之帝千餘秋不忍言之赤子愁離宮別院七十二此
生欲遍人間遊翠花宮中欲啼烏天子詔幸維揚都九
門車馬如風雨宰相已進南巡圖諫官叩陛侍者麾玉
姬被逐小臣危嵩靈河伯駭已送洪波不流風倒吹山
雞翡翠空如錦誰能留住鳳凰兒彩旆初臨汴河滸飛
心已入金山浦龍舟不載羽林軍錦纜成行紫宮女宮
女明粧皎白雪却愛瓊花光艷絕不道蛾眉能誤人反
使君王棄宮闕蕭牆禍變豈虛作斗外天宮夜蝕月千
年寶井生琉璃猶有精靈自嗚咽楚關吳口山水明紫
霄終日浮雲生市朝變盡蒼波綠不斷扁舟載客行客

行繚繞隋皇隄隄上春風楊柳齊傷心欲弔前朝事楊
葉楊花路轉迷

王氏家藏集

前人蕪城歌二首煬帝看花太放顛錦帆龍舸馬千千
情多化作相思鳥夜夜蕪城聞杜鵑 莫向隋宮問六
朝璫姬玉蕊已烟消祇今惟有湖邊柳猶對春風學舞

腰

同上

唐龍廣陵贈楊戶曹戊子之秋江上行君乘短舫來將
迎風檣如馬不可停蒼烟白水空有情五月菖蒲匝江
綠仍到江頭采民俗雲津倏停使者車細雨長談照明
燭周道逶遲肅來齊胸中煥爛羅珠璣昔日此地不相

增修甘泉縣志

卷二十一

藝文

十一

見今日却恨相見遲相見何遲別何亟江籬河柳映秋
色十里艚艘一呼吸

漁石集

賀欽傅彥明昆仲久客維揚詩以寄之山人寄與三公
子便買歸舟莫更留南國可知春似錦高堂無奈雪盈
頭黃金滿載皆由命白手還家豈足羞兄弟師生分非
淺詩成四韻泪交流

醫問集

羅欽順過揚州兩兩三三聽事人陶然都是醉鄉民黃
昏點鼓移舟去揚子灣頭月似銀

整菴存稿

呂夔寄李柱史賑恤拭泪看揚土民窮數在天若非移
晉粟何以勝湯年鬻子寧論價當春不種田路人聞偶

語還得繡衣憐 草亭餘興集

王瀾晚過揚州不到蕪城二十年重來佳麗尙依然連
城霽色明珠翠萬戶香風奏管絃騎鶴仙眞何日去乘
槎客子此時還瓊花宮裏多清景更聽吹簫皎月前 退翁

文集

張自強送張貳府之揚州羨爾維揚駕乘春出鳳城和
風嘶去馬細雨濕行旌水國新經寇蒸黎苦厭兵須君
佐郡牧切莫滯王程 馬文莊公集

張洪道送韓才漫下第之揚州不遂金門詔仍持寶劍
遊風塵隨馬足秋色上貂裘落日瓊花觀春江仕女樓

增修甘泉縣志

卷二十一

藝文

十三

興來如泛舸莫近採蓮舟 張太徵詩集

續志考正關中張治道字太微治誤洪微誤徵

崔桐別火文津授職隱廣陵羨君暫作天門客便憶鱸
魚斂雲翻亂落楊花兔麥青歸鞭東指淮山碧醉別燕
酣解綺裘桑乾烟樹入空浮此去吹簫橋上月清光還
待玉人遊 東洲集

夏言廣陵寄李御史震卿泗水乘驄馬維揚泛鷁舟相
望烟水隔獨坐暮天愁豺虎聞皆遁瘡痍喜病瘳思君
多壯氣雲鶚正橫秋 桂州文集

胡侍送二復判揚州君方罷黃綬余已臥青門復跨揚

州鶴誰同北海尊
天星隨曉旆
野燒上寒原
倘得公田
秫
雲林莫負心

家谿集

王惟元過揚州
華屋朱簾十萬家
春風吹盡舊繁華
留連野色惟殘蝶
應荅江聲有亂蛙
明月樓前沽美酒
蓄釐觀裏看瓊花
我來謾憶曾遊處
立盡斜陽一歎嗟

皇明

風雅

馬汝驥送李侍御按淮揚
淮海維揚拱帝京
繡衣瑤佩動承明
花開曉殿朱輪出
樹繞春江錦纜迎
風起樓臺歌猛士
霜飄斧鉞羨儒生
漢家司隸今元禮
悵望龍門避馬行

西元集

增修甘泉縣志

卷二十一

藝文

十四

張治揚州與陳巽峯侍御宴集時尹民部督運眞州
龍秋曹理刑淮上皆同鄉也遂喜賦此
太邱德重賢聲籍
劉晏才高國賦饒
海上霜寒繡斧立
花邊春暖玉驄驕
十年岐路同杯酒
千里鄉心共暮潮
民部秋曹俱舊好
過逢更喜路非遙

龍湖集

文徵明揚州竹西簫管玉參差
柳外樓臺舞陸離
落日蕪城非故國
春風后土有荒祠
錦帆烟月千年夢
禪榻情懷兩鬢絲
二十四橋何處是
扁舟西去不勝思

甫田集

高叔思揚州問主人
空林一葉落穿屋
幾家秋對酒涼風
至開簾古木幽
相看還自笑
欲去爲誰留
正此夷門

下休猜姓是侯

梁園風雅

金鑾廣陵留別吳虹山北風江上雪晴時遠道逢君醉
不辭臨別更留三夜話相知已是十年期斷雲落雁聲
猶切斜月疎牕影漸移久客不須傷歲暮五湖歸思滿

天涯

徙倚軒稿

張時徹廣陵晚發征夫逐草露夜夜月中眠霧擁元猿
嘯風吹白鴈旋有江能繪樹無路不生烟旭日秋光淡
芙蓉亦可憐

芝園集

袁袞廣陵對菊簡朱侍御子禮官衙無一事買菊種幽
軒留滯非吾意相看豈故園金英團露滿碧葉受風翻

增修甘泉縣志

卷二十一

藝文

十五

獨酌懷仙侶無由與晤言

袁永之集

王慎中藏書萬卷樓歌爲維揚葛子東賦廣陵葛子眞
磊落大笑時人寶珠玉先世遺金盡買書篝籬祇與韋
編博善藏選地起高樓樓上陳施盈萬軸錯置方隅皆
滿牀臚分甲乙爲題櫝趙卿如見應驚歎楚史多知猶
未讀開牖晴朝雲色鮮垂帷深夜藜光燭已看收拾遍
人間更說討論窮士族漢室古文壞壁餘晉代穿瑩出
竹書學士睢盱嗟未覩儒生誦守愧空虛何言敢失千
年後獨在君家完古初

遵巖文集

蔡汝楠維揚觀李克齋中丞軍營運策元知萬里才五

營堅壘護崇臺海西鏡吹寒潮應江北旌旗曠野開雪
裏乘熊裴相至風中唳鶴謝公來須看淮甸封京觀計
日還朝陟上台 自知堂集

孫陞送李狀元還廣陵省親詔許寧親願不違南征冠
蓋帶恩輝漢庭元重孫宏策淮甸今看萊子衣春岍迎
船青荀出江鄉入饌白魚肥莫以貪權淹故里待君簪
筆侍皇闈 孫文恪公集

續志考正李狀元卽春芳興化人不當入甘志

沈鍊送鄭明府之維揚東風初泛木蘭舟南去維揚復
勝遊弱柳千條垂岸出飛泉百道傍河流開樽幸接黃

增修甘泉縣志

卷二十一

藝文

十六

金客鼓棹還經白鷺洲斗酒相逢成一醉烟波莫遣使

君愁 青霞公集

李時行寄廣陵高子通徐伯可詩憶昔逢君客帝京留
連郎署十年情看花并醉長千里走馬同過白下城春
入吳宮芳草色月明蕭寺暮鐘聲別來迢遞天南北一
望江湖感慨生 山帶閣集

袁鈇揚州雜詩四首竹西楊柳酒帘斜門對青山第一
家醉後王孫歸去晚金鞭欲墮玉獅駟 百尺荒臺是
故宮胭脂香粉落殘紅只今惟有梵鐘在夜夜空隨楊
柳風 一從行幸到天涯不見羊車只見花羅襪塵隨

香夢遠春風吹上玉鈎斜 烽火連雲故國秋念年前

事說揚州朱門畫閣消何處勝地還餘文選樓

竹江詩草

周詩晚泊維揚落日停孤棹維揚入望餘皋原浮海盡

樓堞抱江斜雲漢空仙翼瑤壇感舊花江山長映帶南

北並京華

虛巖山人集

朱日藩隋隄柳興道里前楊柳新蕭娘攀望獨傷神憐

儂正好留儂住若箇帶他遭箇春紅頰忍拋妝罷泪翠

娥常帶睡餘顰撲舟風起花如雪三月揚州夢裏春

山帶

閣集

申時行贈維揚呂布衣小山曾倚桂叢幽吐納頻年事

增修甘泉縣志

卷二十一

藝文

十七

靜修柱下獨傳三寶訣淮南真共八公遊煉成丹鼎堪

誰授遺却元珠好自求鏡裏衰顏如可駐願從鶴駕到

揚州

賜閒堂集

袁尊厓送歐楨伯之廣陵共作京華客還爲江表行同

聲憐白雪別意感青萍絃誦平生業冰霜歲杪程中朝

誰愛士去矣惜匡衡

袁魯望集

郭諫臣自江都晚抵儀真孤槎薄暮向江城千里江流

一鏡平沙岸樹搖寒月影篷牕風送夜潮聲坐翻雲葉

移時久閒剪燈花達曙明三載離鄉今漸邇漫勞終日

計歸程

鯤溟詩集

皇甫洵過維揚作念昔功名紀三秋滯楚鄉今來還上
國五月復維揚戀土清何極瞻途意轉長川原歷迢遞
烟樹影微茫浴渚飛鳧下驚沙白鷺翔江隅有芳草幽
思獨難忘

少糸集

皇甫汸泊維揚地是南來越江分北望賒空餘千代宇
不放昔年花物色圖丹壁春風想翠華誰憐歌舞處日
暮有啼鴉

司勛集

李攀龍送歐文學之江都雨雪寒燈對濁醪蕭然却稱
一儒曹下帷國士堪華髮草檄門生自彩毫雙峽迴分
滄海氣孤城秋社廣陵濤文星雖小人爭識南斗常臨

增修甘泉縣志

卷二十一

藝文

十八

劍影高

滄溟集

宗臣寄顧純一揚州自君去矣湖之濱日夜湖南生白
蘋江雨千家任伏枕潭雲百尺堪垂綸書傳孤鴈正明
月病起空山愁暮春桃花流水可避世武林樵者今何

人

宗子相集

徐中行寄蒼廣陵歐文學楨伯蕪城客夢滿江皋千里
懷人尺素勞篋裏夜光南海月賦中秋色廣陵濤談天
寧復如燕市玩世何妨似馬曹念爾最憐中散調知音
寥落好誰操

天目先生集

吳國倫次維揚懷宗子相相將二載別何事一書無臥

病山雲僻懷人海月孤世情多按劍斯道有乘桴兵火
懸雙泪烟霞信五湖轉憂風雅息因感歲華徂咫尺心
期阻何言在畏途

甌 甄 洞 稿

汪道昆秋晚登廣陵城西風淮水下邗溝何處關山獨
倚樓賦後蕪城荒井徑書來瓜渚斷江流青天寒色千
砧夕滄海潮聲萬弩秋滿目蒼蒼見平楚不知歌吹在

揚州

太函集

胡應麟舟過廣陵訪陸無從夜集託以買宅橋東因寄
贈此作橋上相攜不厭頻鈿車油壁半香塵貧將玉樹
誇詞客老向瓊花作主人邗浦月華秋似練曲江濤色

增修甘泉縣志

卷二十一

藝文

十九

夜如銀青樓肯著狂夫臥傳與吹簫爲卜鄰

少室山房集

王世懋過揚州訪歐楨伯博士聞道談經盛有聲青氈
猶臥廣陵城黃金不近儒林事白髮偏關國士情好把
江濤扶病色休將郢雪傍時名故人問字能相訪還飽

君家苜蓿羹

王奉常集

張元凱揚州春眺卽事茱萸村邊楊子灣黃公壚頭使
者關舟楫遠通淮北水樓臺近見江南山高岡百尺臨
官渡浮烟不盡斜陽暮前朝楊柳幾株存寒鴉飛盡蕪

城路

伐檀詩集

趙用賢送徐文學之江都徐善方藥蕪城寒雨淨江烟

別爾懷人楚水邊
捲幔清秋徐稚榻
下帷長日廣文氈
瓊枝天外勞相憶
瑤草山中信可傳
白首莫言經術困
蒲輪應遣受遺篇

松石齋集

陸采寄揚州盧文溥江草碧於染江花清可憐
何時一樽酒同泛木蘭船
抱玉嗟余病眠雲羨汝賢
塵遊聊爾爾終結采芝緣

陸子元集

張遜業舟中別朱子份故人相見鬢成秋
遷客重來感舊遊
千里多情勞遠送一樽到處共消愁
垂楊古驛時停署
明月長河夜遡流
惆悵不堪言別後
莫忘魚鴈寄

揚州 張甌江集

增修甘泉縣志

卷二十一

藝文

二十

尹襄送進士劉體道節推揚州廣陵自昔繁華地
凋敝于今可盡言
正藉清才勤政理
滿將膏澤洗煩冤
瓊花歲久空餘俗
棠樹春深總厚恩
識比孫陽吾豈敢
風雲萬里看騰鸞

巽峯集

魯鐸揚州張帆上揚州行色殊不惡
何不如昔人腰纏更騎鶴

蓮北集

徐渭廣陵夜金燈颯颯夜潮寒
樓觀春陰海氣殘
莫露鄉心與離思
美人容易曲中彈

徐文長集

王寅金陵送元蠡遊揚州正好秦淮醉
玉缸淮南山色隔春江
知君更有吹簫興
月下銀橋十二雙

十嶽山人集

牟嘉敘送馬斗南歸揚州去年九月黃花秋邂逅與子
城南遊高才磊落不易得竟日尊酒情淹流三年爲客
風塵裏末路相逢卽知己禹穴探幽興未窮梁園作賦
詞堪擬一別嗟余還故坵聞君亦欲尋歸舟萍蓬踪跡
本無定使我感慨增離憂一片孤帆向何處日落雲橫
廣陵樹天姥峰前送月明姑蘇臺畔聽鴻度江烟慘淡
江草青眾賓沽酒雙玉瓶別君惆悵不忍去碧雲回首
天冥冥

霞溪漫稿

王叔承揚州歌二首二十四橋邊當壚最可憐妝成窺
客坐不耐數青錢 東家女十三西家女十五夜半攀

增修甘泉縣志

卷二十一

藝文

二十一

娘啼嫁與并州估

吳越遊草

唐世靖寄友廣陵迢遞遊淮海薰風入夏初人逢清晝
夢情寄遠方書三徑都荒草孤松僅蔽廬生來言笑拙
何處曳長裾

三邱山人什一章

黃姬水送汪太學遊江都千里王孫歸未能風雲意氣
每超騰年來裘馬遨遊處不是金陵卽廣陵

白下集

王穉登臥病過江都歐博士見貽太山記因贈扁舟臥
病廣陵城折簡深煩地主迎應劭記言封禪事馬遷書
敘遠遊情齋題苜蓿詩空寄酒壓桄榔醉不成珍重投
書賢博士天涯能念舊王生

半偈菴集

李應徵廣陵送張孟奇乾坤同作客千里任飄蓬況復
離亭別蕭條落照中濤聲揚子北寒色海門東去去烟
波外無爲歎路窮

青蓮館集

董穀江都聞昔揚州佳麗地春風二十四橋行才高董
策難爲用譜絕嵇琴空好聲錦纜已非前日事官梅尙
見故人情停橈欲弔當年跡惟有寒潮江上生

碧里後集鳴存

何碧廣陵送王太古還白下我有秦淮夢雖還不是家
送君隋苑上惆悵柳條斜歸客趁新燕遊人歎落花傷
春兼惜別況復在天涯

列朝詩

孫繼高送王自吾轉運兩淮早晚下揚州公除不可留

增修甘泉縣志

卷二十一

藝文

二十二

到官心似水爲客鬢先秋賁海功何鉅看山興易酬軍

儲待鹽筴辛苦爲分憂

孫宗伯集

陸可教維揚懷古片帆秋色雨霏霏千古蕪城泪欲揮
錦纜牙檣他日夢瓊花玉樹昔人非江山楚甸依然在

環珮隋宮何處歸二十四橋明月老紫簫聲絕碧雲飛

陸學士
遺稿

于慎行答楊戶部廬山書時方謫居廣陵淮南桂樹又
春殘幾度開書慘不歡華髮已曾淹畫省銅章那復滯
鹽官秋空鴈影愁應劇夜雨潮聲夢亦寒聖主長楊方

校獵誰將賦草入長安

穀城山館詩集

王士性廣陵曲維揚大業多陳跡木蘭亭上燈花夕六
宮齊唱柳枝詞天子緣思廣陵陌廣陵鉅麗足芳年解
道征遼亦偶然夾隄楊柳三千曲近水樓臺十萬壓迴
廊複道雲間度錦稅金鋪月下縣瑣窻射日聯珠箔寶
幄迎風落翠鈿千門萬戶春光滿白日誤入迷神仙嵩
塢花香迎鳳輦崆峒黛色照冰筵御女樓前車思巧司
花掌上舞衣翩魂夢到來渾作崇嬌娥不枕詎成眠寵
深可奈蕭娘妬望斷迷樓柱上篇無復見君徒自盡不
留儂住也須還憶在東京西苑裏院院笙歌沸入耳月
明閨闔開宮門夜靜蓬萊浮海水謁來畫舫鬪嬋娟遮

增修甘泉縣志

卷二十一

藝文

二十二

莫春風醉桃李無端一曲望江南龍舟更向維揚市朱
旗羽葆雜如雲錦纜牙檣疾於駛宮中血染去時輪道
傍鬼哭誰家子矮民頸刃一朝寒司馬伏兵中夜起惡
梅好李豈忘情滄海桑田故應爾水殿樓船事已非黃
昏古道客行稀誰堪再說迷樓事一望荒臺泪滿衣

玉觀

集

羅亨信送友遊廣陵八月蒹葭白秋高海色明聞君大
庾去復作廣陵行桃葉江天渡梅花水國情相思託南
雁時寄越王城

覺非集

李名芳揚州古意揚州士女總豪華結伴探春勝若耶

却恨珠簾掩紅面不將纖指摘瓊花

李翰林遺稿

余寅維揚送彭郡博之官平生拜謁都不有今日殷勤
送彭叟茱萸灣上水正紅相傳脂水棄隋宮隋家樓殿
矗雲起不道當時飛藿似丈夫意氣論鼎鐘偶然量移
何當榮東京博士盡倚席錚錚誰者今時力臨岐之意
不在酒豈是空然執君手

農丈人集

張萱邗溝懷古不盡邗溝水微茫日夜流潮連揚子渡
烟接海門秋樹影浮荒堞蟬聲到客舟興亡無限意洛
水共悠悠

西園全集

葉向高廣陵別友浮生底事最堪愁畏路馳驅易白頭

增修甘泉縣志

卷二十一

藝文

二十四

兩度相逢重九日一經離別又三秋菊當有酒花偏媚
身到無官夢亦休後會登高何處是年年回首憶邗溝

蒼霞集

周應賓送客之揚州幕客路冰霜馬足高風塵作吏莫

言勞廣陵自古繁華地三月楊花八月濤

月湖草

湯顯祖廣陵有贈儂住曲江臺臺門一點開娥眉今夜

淺斜月剪江來

玉茗堂集

林恒震送商孟和之維揚言別固不忍況當搖落時都
門今送子知己復爲誰木脫山容瘦風慳帆影遲江都

歸雁近一寄廣陵詩

西都草

于承祖送史澹如還邗江陌上疎楊自可攀
驪歌忽動泪痕斑
征帆遠渡三江水擊楫遙看北固山
君去故園開口笑予當逆旅
駐愁顏欲知別後相思處
廿四橋邊

月一灣

馱音集

何偉然廣陵採詩採石者
璧採水者珠天不愛寶地傾
其儲吐珠屑玉不綴尺幅矧曰奧藏匪淵匪谷何以採
之搜神攬奇譬探赤精拭土陸離萬寶斯會紫琛反貝
寔祇維揚朝宗以派魄朗橋月魂清嶺梅邗濤仙藥盡
結詩胎言采其珍珍於山澤誰謂雅亡廣陵散絕

梨雲館集

范景文過維揚遊子關情處江空白露秋客程初問水

增修甘泉縣志

卷二十一

藝文

二十五

旅思怯登樓非是瞻雲切還應見月愁鄉關歸夢裏一

夜下揚州

冰餐堂草

劉黃裳江都別唐太史幾還初服采眞遊陽羨山中竹
樹秋浮海仙槎通粵島伏波軍馬駐揚州朱旗下靜龍
江水黃弩遙穿蜃氣樓共說文功稱不戰願將干羽奏

螭頭

藏徵集

陶望齡揚州懷開美秣陵東上又扁舟兩地茫茫烟水

愁此夜雪深江樹暝可能無夢到揚州

水天閣集

董其昌廣陵道中送戴振之表弟南還一夜春隨客共
歸鶯花岐路意多違天涯結客同修楔物候催人幾換

衣壯士悲歌孤筑遠離堂風雨暮鐘微可堪添入江淹

賦回首隋隄柳絮飛

客臺集

來復揚州謠二首長淮千里水流過廣陵市水韻如有
情蕭條咽閭里我作使君恩未宣虛乘艤舸媿登仙却
嫌金鼓嘈嘈響驚起浮鷗不近船 水融湖上郭雪擁
浪花白漕流湖沒隄愁殺風帆客兩岸禿楊倒着身年
年稻熟半湮沉遠賈村農操首去誰知二十四橋春

陽來

伯詩集

王在晉江都懷古三首御苑龍鱗結彩同美人環珮舞
春風而今盡入雷塘夢不是汾陽避暑宮 洛陽宮闕

增修甘泉縣志

卷二十一

藝文

二十六

鎖烟霞偏厯樓臺日影斜浪語莫猜桃李子江都依舊
是天涯 馬上東巡去不歸六宮猶著芰荷衣只今皂
笏無尋處應與暮塵一樣飛

寶善堂集

李日華贈維揚王孝廉中玄蕪城春雨漲江沙沙上紅
樓映遠花一抹濃烟萬株柳紫騮嘶入玉鈎斜

恬致堂集

前人送錢而介之揚州橐劍來揚古渡頭偶隨使節下
滄州夜收街子平安帖春散旗亭釀飲籌數肋射麇梅
嶺下分棚戲馬蜀岡陬詩篇早出揚州市說鬼談狐興
未休

同上

袁宏道揚州曉泊薄霧隨風盡寒霜對酒消芋魁騰曉

市蟹子落歸潮往事瓊花觀新溝揚子橋雖然富羅綺

未必似前朝

袁中郎集

錢而介維揚晚眺錦纜牙檣何處尋隋家宮闕已消沉
雪匡古廟頹紅濕烟罩寒林暮藹深豈少美人頭上盼
可憐遊子夢中心風光只說揚州好客裏逢秋也不禁

明詩選

王衡揚州別姊丈季良三兄因緣兄弟好重以郎伯知
石花清點茗竹榻盡圍碁剪燭拚今夜連床想異時茱
萸不盡插遠道更貽誰

緱山先生集

高出送柯季和之揚州歲晏日色淡寒江雨不絕晨起

增修甘泉縣志

卷二十一

藝文

二十七

理商絃遽作雙龍別同袍匪無衣如蛩蟿相悅交臂亦
何晚兒女情非屑況君去未遠無那中懷熱男兒墮地
上肝胆如白雪感激在心期不啻自口說許與必古人
磊落振高節君才本曠代淵穆洞以潔是行更攬勝清
風隨車轍枕上廣陵潮瓊花秀可擷弔古賦詩篇杯酒
又難闕追隨遂莫逮嗟予徒蹇拙好音時復來慰我柔

情結

郎潛集

樊良樞送黃啟融邗關差竣還部鳴鸞建節出邗關
外行舟鷗鳥閑見說使君心似水開門南望小橫山

草

二

林怨夜泊揚州廣陵城外水雲幽萬里歸程一葉舟山
勢北來衝海斷潮聲東去入河流瓊花觀裏春光暮隋
帝隄邊野色秋休聽秦淮商女曲豈知亡國是迷樓

西橋

集

朱之蕃揚州道中江花江草淨春烟北望空懷乘興船
水國人家種楊柳清明士女競鞦韆客廚未乞龍蛇火
旅食頻催犬馬年遙想風流王處士西臺銀燭柘枝顛

兩崖集

馬之駿送郭揚州出守時才西省美無倫早向名邦剖
瑞麟腐草不迷千里色枯楊曾見六朝人窗蛛窺閣誇

增修甘泉縣志

卷二十一

藝文

二十八

青鬢江賈墳街拜錦茵遙想郡齊馴鶴靜遊仙新句轉

清真

妙遠堂集

袁中道閑遊同中郎時在廣陵渡口藥雨淋淋暗送秋
雁行飄泊又邗溝一雙皂帽穿花市無數黃柑耀酒樓
落日雲霞江左樹晚風簫鼓北來舟朱簾處處藏鶯燕
未審何人是莫愁

珂雪齋集

陳翼飛元日過廣陵遇雪有懷邗流二十四橋斜翠幃
香車春事奢似馭青田披鶴氅眞看玉蘂散瓊花濤隨
楚客驚飛鷺柳傍隋隄噪晚鴉東閣登臨還縱酒折梅

何自寄天涯

慧閣初冊

鄔左卿廣陵道中何處人家喚乳鳩千條烟柳夾邗溝

故園尙隔春江水笑指青山是潤州

芳潤齋集

陶允嘉廣陵詞桃花新雨後載月出邗溝棗板江南曲

筠簾撻子舟飛飛雙燕子何處覓迷樓

澤農吟

吳稼登次廣陵漫作曉看京口月暮拂廣陵烟柳影時

分浪花香幾到船市人襲重錦商女弄繁絃一片豪華

地誰論大業年

北征集

梅守箕送李七丈寇四娘之揚州新柳媚蕪城扁舟牽
浪平鏡波臨曉渡弦月應潮生桃葉津頭送梅花閣畔
迎四難並二美雙漿豈單情螢苑初回照瓊花今再榮

增修甘泉縣志

卷二十一

藝文

二十九

青林招秀色叢桂藉芳英低語鶯聲怯幽姿鶴馭輕廣
陵濤未壯建業水猶清非復憐新好誰令厭舊京遙知
名士悅非是少年行

居諸二集

何白閩詩人朱長文卜居廣陵二首板橋廿四接隋隄

故苑離宮取次題不是幔亭無夢到江都花月使人迷

纏腰騎鶴兩難兼鶴背天風飄紫髯莫道仙家惟絕

粒盤中騰有虎形鹽

汲古堂集

婁堅送子華赴江都昨歲秋風別我行蒜山雲淨月初
生今春寒雨看君去柳岸潮還水正平燕筍乍抽移桂
棹瓊花欲發到蕪城懸知好事逢迎滿載酒頻過與共

傾 吳歛小草

程嘉燧揚州方季康館惜別別路江南已數程清樽細
雨復江城殘魂如夢聞鶯斷舊恨隨潮立馬生皈佛一
心憐伴在驅人十口悔身輕臨岐共有沾衣淚却使衰
羸暗撫纓 新安二布衣詩

石沆廣陵紀夢春盡他鄉夢雲林思杳然落花溪水上
斜日洞門前鶴去遊城郭春來弄管絃倚闌懷勝事光
細月初弦 白雲居士集

唐汝詢送陸長倩歸廣陵君家桑梓九峰陰一去江河
歲月深避地梁鴻能傲俗登樓王粲有歸心明珠未合

增修甘泉縣志

卷二十一

藝文

三十

留他郡羈鳥還應返故林總是廣陵濤可賦忍令風木

夜悲吟 編蓬集

譚元春送蘇武子客維揚雨細邗江路春深漲水船別
予堪此地知汝自今年養母須身出消讒貴道堅莫將
才格好草草入芳妍 嶽歸堂

程格蕪城晚望同方太守元卿賦木落川原一望開孤
城客思轉悠哉帆隨斷靄天邊沒鳥帶殘陽樹杪來黃
葉疎鐘秋寺暝丹楓兩岸暮潮迴憑高欲擬參軍賦愁
絕西風半草萊 石林集

陸弼海上送葛士隆之揚州握手重淒淒天涯戀解攜

交情在貧賤客路易東西瓜渚寒潮上山光野日低平
安君可報無事八行題 正始堂集

前人君御廣陵買兩姬賦此以當花燭花裏閒關倚綠
鞦玉簫雙鳳下翩翩也知趙璧能如是可道張星本在
天雞舌分來誰最寵蛾眉畫就各爭憐樓中半部烟花
曲自是揚州樂事偏 同上

錢希言揚州懷古三度維揚十八年舊遊零落不如前
車傍擲果人何在橋上吹簫事莫傳潮落遠江瓜步雨
鳥啼荒壘竹西烟風流杜牧元多感到日登臨一惘然

列朝詩

增修甘泉縣志

卷二十一

藝文

三十一

萬壽祺廣陵讀史晨昏鐘鼓向西華複道承恩出內家
大業自燒隋殿瓦宮人誰葬玉鈎斜江浮遠樹收殘照
月滿荒城起暮鴉十二樓臺千載後到今人面尚桃花

隰西草堂

陸寶廣陵懷古茱萸灣接古邗溝白塔河分上下流疏
鑿當時有深意徒勞官吏日持籌 霜鏡集

戎衣廣陵曲廣陵風景復如何清夜猶傳馬上歌官柳
碧含新恨少渚蓮紅濕舊愁多 待月軒稿

姜埰廣陵觀粥廠歎賦淮海天奧府驚風涌波異千艫
既桓桓樹柵擁流利吁嗟五緯愆水怪驕莫治飛廉既

碣駭川后亦跳沫興泰皆下河前賢建瓴勢古來守宣
房防及蟻穴潰誰令魚鱉災何似列有位道路有沉冗
單羸氣一蹶舴舢壓通津漸使舳艫避少者哭河邊老
者已除黷懷中小男女不知幾時棄見此摧肝腸誰能
飽炮戡淮南熬波客僉曰鹽筴稅五寺六萬人日來六
百記及此逮麥秋動必十萬計中有二三妾再曰覆衣
被所苦市價高盡人或恐泥此事費搶攘似煩臺侯議
側聞橈樁功蒸黎愁欲爨山東道青兗豈獨憂湖埭有
田不如無一田用幾倍縣官怒如火鞭撻少愍隸緬想
甲兵初陰陽氣已沴皇天下哀眷百姓日翕黥智者揖

增修甘泉縣志

卷二十一

藝文

三十一

王侯小人生猛氣中戶百金產輕重反倒置即可告大
賈何以拯此輩曾讀玉條書科罰亦不細安得登南嶽
遂獲倉水字 敬亭集

前人揚州諸子讌集依韻荷芰初涼夜縱談採蓮歌罷
酒將酣客來畫閣臨阡陌人在秋航受兩三極浦寒烟
猶自往故宮明月竟誰看江鄉還見征鴻過莫道人情

已厭南

同上

高承埏送王瑜仲還維揚一曲旗亭酒未消離情已逐
廣陵潮君歸宜倚吹簫侶明月相思第幾橋

稽古堂集

茅元儀送楊邦隆守維揚二首春染山山雨染潮畫船

隔霧設生綃驪歌唱罷殷勤囑莫負花時廿四橋 烟
郭霏微草影新數株汀樹挽長津平分春色江南北人
道江南帶到春 石民賞心集

朱一是維揚新月與諸君飲別二十四橋夜五千里路
人春官同作客秋水故爲鄰柳色雷塘舊月痕淮甸新
隋宮追往事攜手悵逡巡 爲可堂初集

前人維揚喜魯子璠辱貺佳句賦以答之十年曾憶越
王宮城郭依稀烟雨中往事虛勞瞻斗極新亭重對泣
西風夢回未覺揚州遠才美猶畱鄴下工搔首雷塘疎
柳月淒涼應惜此心同 同上

增修甘泉縣志

卷二十一

藝文

三十三

葛一龍揚州夜泊卽事江城空夜冷高樓有美鳴琴樓
上頭只此柳窗微月照似他花澗暗泉流幽香彷彿因
情寄遠聽其如不見愁誰說廣陵絃已絕巫山巫峽在

孤舟

葛震甫集

曹學佺送弇白擢淮揚運長東南財賦困征求轉運今
須第一流際海金錢輸九塞隔江歌吹是揚州春風芍
藥堂前宴夜月瓊花觀裏遊舊治如舉行部處冰弦猶
是韻高秋 石倉文集

游土豪送姚士獻之揚州省覲十年棲寂谷千里遂孤
征吳市雲如馬隋宮柳作城浮萍依滯客故壘練疲兵

厭聽關前鳥偏多喚友聲 霧隱稿

陳子龍江都絕句美人日夜下揚州遠嫁傷心異域愁
不及隋家天子好傍儂門戶築迷樓 湘真館

侯泓揚州五月江城江水深蕪城斜日獨披襟關河輸
輓交南北樓觀烟花自古今佳節未移鄉國興薄遊還
媿古人心十年蔓草梅花嶺手把蒲葵泪不禁 掌亭集

朱士稚寓揚州淹流車騎引杯看獨上高樓愁未闌千
里鄉關聞過雁萬家風雪醉憑欄天涯客子依人苦江
上梅花倒地殘莫道春來動南北故人尺素遠長安 貞毅

先生集

增修甘泉縣志

卷二十一

藝文

三十四

查松繼揚州詞江都士女蕩輕舟傳說當時翠輦留二

十四橋人散後風吹螢火徧邗溝 澄清堂

蔣奕芳維揚懷古烟橫月落錦帆斜往事虛無想翠華

水浸雷塘春寂寂金衣閒領野裳花 金粟園稿

吳繼茂蕪城別社中諸子古堞平蕪夕照疎林葉落秋
風目送寒潮揚子愁生烟樹隋宮行色相看樽酒離心
共惜飛蓬今夜扁舟何處遙遙一水江東 嘉樹齋

周俊蕪城對酒寄懷張淡雲校書樓上春雲黯夕陰折
花載酒偕同心芙蓉繡幄隱紅燭美人一笑輕千金南
浦別離情脉脉柳花繚亂風無力愁來獨上廣陵城江

水微茫天一色

明詩綜

胡汝煥舟中遇張子乾之廣陵我從維揚來君向維揚
去南北任分風中流復誰語良遊適歲窮懷舊情千縷

歸見柳條青風流想張緒

繁露園集

范國祿揚州曲煬帝雷塘日暮秋西風古岸棹悠悠鬪
雞宮女埋芳袖挾彈吳兒冷翠裘千里關山空騷裊誰

家楊柳度筇篻只今烟草霏霏濕莫上江邊舊酒樓

紉香

草

鄧文明維揚與丁南羽話舊文苑誰當老畫師前生應
是虎頭痴興來落筆書能細老去揮毫句轉奇曾向漸

增修甘泉縣志

卷二十一

藝文

三十五

溪探墨妙竟於閩海阻風期隋宮草色秋如許留得青

青伴紫芝

淮南社草

于鍾元歲晏客廣陵有懷第五師高郵并投李氏伯仲
冷意森森透畫屏爲誰飄泊寄郊垞風掀簾幙烏棲樹
雨隔闌干鶴過庭南國離憂懷屈宋北朝文賦慕溫邢
擁羶廡下披書傳添得沉烟一穗青

秋蟬集

沈章隋隄懷古邗溝新碧晚濤平楊柳曾遮殿脚行誰

道雷塘歌吹歇月明重按玉簫聲

芒莊集

劉城揚州詩不作揚州夢眞成此地過琴聲知己絕濤
色近如何懷古猶烟月遭時難嘯歌一亭兩使者意氣

寺人多 嶧桐文集

周倫發揚州揚州已二月寒色帶蕭森夜雨太無賴春
風轉不禁驛船千里夢客路五更心迢遞長江隔雲天

雁字沉 貞菴存稿

李堅維揚懷古淮海維揚名尚在繁華不見舊時州烟
迷吳苑巡遊地雲鎖隋家歌舞樓千古廢興增感慨百
年身世且優游君看數畝雷塘路閱盡行人春復秋
訥菴

遺稿

袁元祿送馬叟還廣陵西陸催行色湘流祖別筵征帆
辭別渚疲馬戀回川老寄滄州愜情傷白髮牽風塵增

增修甘泉縣志

卷二十一

藝文

三十六

甲子生計盡林泉嚼蘂陰 雪誅茅夕野烟離衝彭蠡
雁歸渡廣陵船兒女天涯夢雲山歲暮年折荷包露飯
緝葦藉霜眠朗月江楓晚晴嵐浦樹邊逝乘秋水舫息

影北村田 甲秀園集

官撫辰十五夜泊維揚寄酬杜于皇見汪生曰作遷客
秣陵來又向廣陵去正是看燈時指顧天邊路寥寥海
上鷗渺渺烟沙樹潮來包眾流隨流如逆溯桂楫打鴛
鴦魚龍泣烟霧蒼然寒月開仙子雲深處淮津迷以折
忽有漁郎渡邗水向人淥一鳥背成怒歸飛欲何爲嗚
鳴懷杜預生涯惟醉歌樂我南華瓠幽琴故未知搖落

滄江暮羣動逐繁華伶人不相遇

貴希草

胡大成汎舟維揚城下碧水通江宛轉迴崇樓千雉倚

江開天寒野曠遊人少日暮孤舟載酒來

澹源集

張琴前蕪城行櫂槍櫓槍在天角黑夜防城臥刀槊城
南城北久戒嚴鐵騎橫衝來不覺將士直驅二千里炎
天城外下營壘健兒饑渴刈青麥打糧急到荒村裏城
內談兵將自焚翰鞋畫戟徒紛紛女牆哨望援兵絕
豺十萬誰能軍四鎮不和亦不戰擾攘各自分鄉縣獨
有相國泣登城黃金一錠催一箭數日東風雨細微
鬢策連營集四圍巨礮怒擊走雷霆火光紫黑如鳧飛忽

增修甘泉縣志

卷二十一

藝文

三十七

然闔北石崩裂蟻附各持鬼谷鐵下令屠城城夜鳴須
與化作一城血髑體填巷日模糊三日封刀日已晡婦
女鞭撻筋肉盡小兒猶向馬前呼傳聞渡江整矛盾滿
城瓦礫烏啼晚橫屍莫辨是誰何至今招魂總不返

明詩

選

前人後蕪城行紅橋紅橋跨水邊蕪城又近清明天十
年生聚猶不足何處得來遊冶錢日午謳聲幾處舉岡
上桃花雜少年新妝炫服眞可憐老稚肩摩已色許名
園臺榭侵天半欲到旗亭過北岸人人買醉紅裙前不
惜黃金錦繡段畫舫無數停山寺撥盡琵琶還鼓吹只

顧眼底常歌舞不憶當年揮血泪當年未遭兵火餘尙
聽人傳萬厯初城內士夫猶布履小民不敢乘肩輿未
年何故忽輕薄綺筵華服恥藜藿暴殄天物竟不哀情
義與人甚落寞一朝離亂門戶破幸得生全無幾箇雖
賴官長稍平安又恐奢靡風復大老人漸少事日非少
年耳熟說者稀回思乙酉城崩日爲君涕泗放船歸同上
林古度留別揚州不到揚州十五年繁華近水倍淒然
來尋朱戶多移主歸賞青山不費錢三伏薰風憐潦倒
二分明月惜周旋可能老我重相訪再酌棲靈第五泉

林茂之
詩集

增修甘泉縣志

卷二十一

藝文

三十八

閨秀錢氏女述懷靜守深閨歲屢遷蕙心蘭質自娟娟
援琴不奏桑間曲揮翰甯題葉上聯龜灼己知無吉兆
鵲橋那得有良緣芙蓉只合含霜死肯向西風怨暮烟

列朝
詩

項蘭貞揚州晚泊空林日暮人行少維揚古渡聞啼鳥
閒雲來去數青峯極浦寒烟孤樹杪岸闊潮平一雁過
木蘭舟蕩採蓮歌荒村漁火半明滅新月如鉤映薜蘿
忽聞野寺疎鐘動棹歌聲外江風送徘徊枕上意何如
清笳吹起江南夢裁雲草
端淑卿隋柳煬帝宮中柳凋零幾度秋蟬聲悲故國鶯

語怨荒坵行殿基仍在空江水自流行人休折盡春日

更生愁

綠窗詩稿

釋梵琦大熱泊揚州南船不奈火雲蒸小住須涼看廣

陵珠簾有紋搖細浪翠瓜無滓嚼寒冰平山堂下風初

到后土祠前月欲升聽徹梅花三弄角只今身是太原

僧

楚石大師北遊集

宗叻隋隄搔首隋隄落日斜已無遺柳可棲鴉岸傍昔

道牽龍檻河上今來走犢車曾笑陳家歌玉樹却從后

土看梅花四方正是無虞日誰信黎陽有鼓笳

全堂外書

守仁三月二十一日舟次瓜洲至日至廣陵寄鎮江禪

增修甘泉縣志

卷二十一

藝文

三十九

友長風挂席渡瓜洲及此春晴得勝遊山勢北來吞鐵

甕江波東去接淮流交情繾綣勞追送天語丁寧敢滯

留怪底瓠花頻入夢月明三鼓到揚州

夢觀集

前人寄揚州僧剛彛長老秋來淮上夢幾度到江東綺

閣眞虛幻瓠花定有無海田豐黍稷野水足菰蒲悵望

天東月清光永夜孤

同上

德珉廣陵道中夜行有懷故園諸友潮落空江月滿洲

夜涼沙際淡螢流人家遠近迷樓樹燈火微茫映客舟

露下蒹葭歌岸夕風驚絡緯野籬秋天涯聚散相知少

惆悵篷窗憶舊遊

春花集

智舷送莆田朱憲昌卜居揚州閩海相攜一釣竿而今

重謝浙江千廣陵八月秋濤壯更著扁舟何處灘

黃葉庵稿

國朝錢謙益十月朔日抵廣陵隋苑荒臺葉不飛竹西歌

吹正依稀流螢尚作蕪城夢跨鶴真同華表歸舊事月

明空在服新愁水調欲沾衣笊籬灣畔孤墳在萬點寒

鴉送落暉

故人顧所建墓在笊籬灣

牧齋集

王鐸揚州聞岸上琵琶水鄉到處若爲家忽見江風灑

稻花舟裏誰知孤客意廣陵殘雨聽琵琶

擬山園集

龔鼎孳送郭友威還邗上和吳蘭次韻惜別朱弦欲罷

彈側身天地可全安路經分手風烟改香忌當門出處

增修甘泉縣志

卷二十一

藝文

四十

難鐵甕一軍江樹暗銀簫五夜酒盃寬離亭日落休回

首柳市烟塵已耐看

定山堂集

梁清標揚州偶感四首由來明月在揚州子晉吹笙此

地留玉燕上釵三婦艷金丸落鳥五陵遊丹青錦軸充

行笥燈火春霄醉畫樓一代豪華流水盡祇今猶說富

平侯前溪一曲舞腰輕挾瑟佳人自石城十里香凝

思步障五侯餉合玉盤鯖田文座上雞鳴客虞氏樓中

采擲瓊燕去烏衣空甲第邗溝花鳥若爲情日暖泥

融走鈿車江頭唱徹後庭花櫪閒驪裏金羈絡獸壓香

爐玉辟邪翡翠歌垂弘靖宅珊瑚樹出季倫家竹西何

事喧歌吹不種東陵五色瓜 隊隊紅妝細馬馱鳳臺
消息竟如何千盤客饜銀絲膾七寶花圍白芷歌醒酒
石鼓秋蘚蝕縷金裙疊舞塵多蕭條衣桁毬場冷無復

春風入綺羅

棠村集

趙士春再過揚州漫賦繁華銷歇古今同並入雷塘一
夢中人訪舊遊多下泪僧追前事苦談空颿檣一水連
芳草簾額千家隱繡櫳有客淒涼誰共語微吟痴立渡

頭風

保開堂集

李沂揚州參將李鐵臉歌天下兵官誰最壯眼中惟見
李參將參將名高功不成至今揚人爲惆悵初至維揚

增修甘泉縣志

卷二十一

藝文

四十一

號令明旌旗壁壘雄風生連宵火砲教夜戰自奮刀槊
來奪營私帑椎牛饗壯士金錢射中誰敢爭朝食潢池
誓剪滅五千紫塞堪橫行承平旣久武備弛海內傾洞
兵戈起朝貴由來賤武臣羣雄虎視憂天子已聞關內
縱長鯨更傳劍外奔封豕棘門壩上皆兒童蕭娘呂姥
尤龍鐘日驅市人潤鋒鏑飛書奏捷乾清宮神州大勢
漸崩蕩誰知赤心報君上但呼鐵臉人盡知淮海之間
稱保障城東夜落星光紫參將未死馬先死參將旣死
人歎嗟明年廣陵城上看邊笳

李艾山集

又揚州灣頭有虎行南山有虎眈其目白其額咆哮憑

陵驚我都邑

解一

麀不至鳳不翔雙目眈眈來遊我疆

解二

偏處我里伺我行旅饕餮我婦子誰假女羽翼女欲則

安極

解三

張我弓挾我矢願言逐虎哀我羣醜掌迹如盎

林薄風吼

解四

朝逐虎暮逐虎虎不得官常怒窮民恐驚

匪惟伊虎之故

解五

同上

吳偉業揚州疊鼓鳴笳發棹謳傍人高唱廣陵秋官河

楊柳誰新種御苑鶯花豈舊遊十載西風空白骨甘橋

明月自朱樓南朝枉作迎鑾鎮難博雷塘土一坵野

哭江村百感生鬪雞臺憶漢家營將軍甲第橐弓臥丞

相中原拜表行白面談邊多入幕赤眉求印却翻城當

增修甘泉縣志

卷二十一

藝文

四十二

時倘有黃公覆西上偏隨阮步兵 盡領通侯位上卿

三分淮蔡各專征東來處仲無他志北去深源有盛名

江左衣冠先解體關西豪傑竟投兵至今八月觀濤處

浪打新塘戰鼓聲 撥盡琵琶馬上弦玉鈎斜畔泣嬋

娟紫駝新去瓊花院青塚魂歸錦纜船荳蔻梢頭春十

二茱萸灣口路三千隋隄碧月珠簾夢小杜曾遊記昔

年梅村詩

又過揚州弔衛少司馬紫岫

衛韓城人余同年同官後以少司馬死揚州難

畫

省連床正論文天涯書劍忽離羣非關衛瓘需開府欲

下高昂在護軍

高傑秦人朝議以紫岫同鄉拜兵部侍郎典其軍事

葬骨九原江

上月思家百口隴頭雲故人搖落邗溝幕爲酌椒漿一
慟君 同上

曹溶廣陵別袁籜菴聯舫邗溝路雲濤興渺然柳無經
歲別月似故山圓老泪沾歌板歸裝儉杼田桓家寒具
美一飽足高眠 靜惕堂集

顧景星聞友在廣陵四首當年垂柳幾株存送客春帆
每斷魂明遠賦成休再續樊川夢覺已三番 予不到已三十五年

矣懷沙丞相西州路 史相國野祀將軍東郭墦 黃靖國君到

依然花月地可能一飯弔江村東南一線輓輪過煬
帝功高闢運河十里簾櫳新粉黛千年城郭舊笙歌土

增修甘泉縣志

卷二十一

藝文

四十二

風送嫁殊鄉易俠客登樓薄暮多寄語兩江賢制府 于公

成龍總督 江南江西 後來號令復如何邗溝開後更繁華誰取

蕪城作帝家歷代山川亡國夢六朝鶯燕返魂花綺羅
別泪猶嫌濕簫鼓新聲莫競誇惟有多情江上客年年
如鏡照天涯 海口風濤急暮潮蟬螿蛤蜊滿吳艚能
無痛飲十千酒仍有吹簫廿四橋水調紘那誰更唱瓊
花璧月可憐宵太平樂事還堪賞白首狂歌答聖朝 茅白

集堂

陳廷敬揚州二首綠楊城郭古揚州多是三生夢裏遊
今日到來雙鬢老朱樓空捲玉簾鈎 烟月揚州處處

花風流贏得俗人誇憑君更數淒涼句終古垂楊有暮鴉
午亭文編

又懷吳園次揚州十年僦屋西街住山色東窗共短籬
隔坐秋燈聞夜語早朝官馬並晨嘶江寒北雁春前少
人去鄰花雪後遲渺渺蕪城烟水濶薊樓明月憶君時

同上

又廣陵夜行明日次寶應懷王方若竹西歌吹罷灣口
似殘春何處金釵澗相思玉局人五湖猶在夢三畝可
同鄰浩蕩烟波裏沙鷗已自馴
同上

董俞送僧之邗江滌水杯初渡蕪城錫又飛尋山歸路

增修甘泉縣志

卷二十一

藝文

四十四

遠得句和人稀曉飯燈懸驛寒禪雪滿衣烽烟兼歲暮

何地暫相依

前北遊草

李鼎元邗上別三弟豈不懷歸去蓬蒿滿石園思鄉惟
有泪別弟亦何言岵岵山前樹鵲鳩原上村爲期還里

日春暖浪花絲

石園全集

杜濬揚州教場寓樓坐月鼓角竟無聲愁人愛晚晴寺
樓雙眼潤烟海一燈行玉笛悽應斷銀蟾缺更明坐深

無歎息眞想靜中生

變雅堂集

徐乾學周量中輸入都重陽前一日遇于廣陵蕭蕭疲
馬過雷塘却值征帆指帝鄉惜別三春愁五嶺相逢兩

度喜重陽月懸古驛江潮落霜滿長隄野草荒我自跨
鞍君解纜更期燕市共徜徉

愴園集

孫枝蔚黃九烟再至揚州偶得首句屬和十九年來酒
一杯乍因相見錯相猜令威忽向遼東過蘇武何時塞
上回月色分明臨几席簫聲依舊滿樓臺惟憐烈士頭
全白往昔雄心盡已灰

溉堂後集

毛奇齡次揚州八韻八月隋隄柳三秋揚子波南朝曾
作鎮大業舊開河螢苑銷花草瓊臺尙綺羅雷塘宮北
舞水調竹西歌高旆京漕粟長船蜀估鮓重闌如合璧
交埤勝連珂京口雲生晚淮南木落多蕪城吾有賦騁

增修甘泉縣志

卷二十一

藝文

四十五

望意如何

毛翰林集

曹爾堪廣陵懷古何須故老話興亡兵後繁華事渺茫
邗水曲流通汝漢蕪城衰草恨齊梁客尋芳棹驚歌斷
馬過朱欄識酒香不盡泪痕傷往跡夜深紅雨濕雷塘

國朝
詩的

王士祿廣陵春遊曲二首紅樓空復玉人簫舊跡銷沉
廿四橋殘醉臨風獨怊悵遠春無際水迢迢 寶城北
是上雷塘細草青青墓跡荒莫笑錦帆隋煬帝李花楊

葉兩茫茫

考功集

王貽上別廣陵禪智秋來波淼淼紅橋春去柳迢迢平

生水調停杯處不信魂從此日銷

帶經堂集

又送楊東子孝廉歸廣陵兼寄費此度淮南三月春江
綠遊子歸帆指江曲客路驚逢黃鳥新到家正及櫻桃
熟楊郎風調絕世殊少年能讀等身書手將玉塵都無
別瓊樹瑤林定不如去年壯遊輕萬里灩澦瞿塘片帆
耳崢嶸赤甲羅胸中突兀黃牛壓篷底司馬橋頭駟馬
歸杜陵花發拭春衣長安官舍一杯酒却憶揚州初見
時揚州城西蜀岡路猶記當年野遊處歸語成都賣卜
人乘槎欲訪支機去

同上

又程友聲畫余綠楊城郭是揚州舊句寄賦答二首於

增修甘泉縣志

卷二十一

藝文

四十六

菟

兒沔小字

昨日雪中歸把卷開爐擁衲衣五十年來賓客

盡綠楊城郭尚依稀 雨牕漱墨寫邗溝遠郭依然碧

玉流寄語紅橋諸士女老夫雖在雪盈頭

同上

王士祜廣陵諸子泛舟送余東歸限韻分賦浦漵新潮
平溯洄乘流便輕風颭芰荷冷然送餘善佳日分懷抱
揚舲啟高晏千古河梁人魂消此繾綣荒唐閱時序鳴
禽聽屢變倦翮思故林及茲但悽戀絲柳映深杯綺霞
絢芳甸明發矚川塗悵矣澄江練

古鉢集

丁澎送許力臣遊雍歸廣陵許子東都彥時名久擅場
賦才探石鼓碑記辨中郎芳草遲歸夢春星冷客裝右

文當亡意急早獻長楊 扶荔堂詩集

吳嘉紀東家行 壬寅六月揚州事 東家錢多高興發娶婦無端

當六月婦家愛女竟不辭楚練齊紈日夜治治成衣裳
糝次第上著六層下著四絲絲纏纏直到老風俗舊例
重繇襖一事違俗恐弗吉阿母不肯織毫少女兒低頭
泣無言擁入繡輿簫鼓喧眼前新人就火堀安能忍死
到夫門夫家賓客實華屋爐燃松焰几燒燭到處宿肉
皆鬼伯忍將餘生相迫促有生歡樂轉成悲始悔炎天
作事非裏尸更不須繒帛送嫁衣爲送死衣 陋軒詩

魏際瑞知凝叔在揚州聞道欒城集江都日哄然項斯

增修甘泉縣志

卷二十一

藝文

四十七

逢說處李賀過高賢著述原傳世文章却自憐千金司
馬賦未有一錢穿 弟作邗江客兄爲浙水賓四年如
斷雁千里絕纖鱗貧賤違初志尊嚴隔至親有書無處

達開篋淚沾巾 魏伯子文集

饒瑾送友人之廣陵黃鶴仙人歸去來倏然杖履任徘徊
但留白眼看今古莫問侯門開不開 見硯齋集

施潤章邗江客舍同孫豹人李岷瞻陳伯璣澤畔晚招
尋閒庭碧樹陰持螯諸味失坐月一宵深世久疎揚馬
遊當問向禽烟霜漸搖落相贈歲寒心 愚山先生詩集

又廣陵醉後贈陳曼仙同年 陳舊官蜀自免歸 拂衣不採商山

芝草堂不羨浣花溪暖老爭看人似玉把詩自勸醉如
泥開軒種竹江雲入素瓷酌酒佳賓集洞簫鐵笛相和
鳴玉柱檀槽雜歌泣芙蓉含霜暗氤氳婀娜吳姬美出
羣輕謳緩唱四坐靜不動朱唇聲遏雲十年契濶今良
會宦遊忽敘巴西事羌材蠻洞畏豺狼哀角西風動天
地萬里生還信偶然銜杯且稱平生意主人瀟灑良得
計有客風塵早憔悴柴桑夙昔無宦情東山偶起憐蒼
生昔何勇健今何老歸臥雙溪弄月明 同上

吳綺寄廣陵諸同社茱萸灣下雨如絲彩鷁橫江別夜
知小草誤牽揚子夢落花重失酒人期黃雲斥堠迷邊
增修甘泉縣志 藝文
卷二十一
四十八

笛青海樓船擁戰旗惆悵鄉關消息斷秋風白雁晚來

遲 林蕙堂集

潘高廣陵送別秦中知故雨入千山急人歸萬里遲灞
陵相別後鄆杜乍逢時當酒聞花氣分筵折柳枝何堪

歸去後南岸聽黃鸝 南村詩集

宋犖秋日廣陵落葉聲中與鶴閒竹西歌吹總教刪寫

望朝來定何處衝泥還擬上平山 西披類稿

高士奇過邗溝偶詠雲檻風櫺近水斜芙蓉小雪尙開
花紅樓十二新梳洗盡捲珠簾看翠華 苑西集

汪琬過江距廣陵三十里值暮雨天陰生暝寒旅舍傷

寂寞微雨江上來江村杏花落燕歸柳塘社漁返瓜洲

郭何處遠鐘聲孤舟宜早泊

堯峯文鈔

汪楫送程飛濤至揚州二首已是蛩蛩逐駟驢比來踪

跡尙嫌疎壚頭酒盞君母却明日相尋只鯉魚 十尺

堅冰鑿不開猶言朔氣未全來君歸日與陽春近飽看

堂前玉蝶梅

京華詩

又林茂之先生重來廣陵感贈不到揚州五十年當時

景物未茫然聽鷗尙憶隋隄柳沽酒都非萬歷錢隔代

風流悲故舊三朝聞見薄神仙只愁處處桑田改數問

城西第五泉

悔齋詩

增修甘泉縣志

卷二十一

藝文

四十九

方象賢維揚旅店坐雨時將赴鄴訪毛會侯寂寞邗關

外西風帶雨吹扃門簷滴近出戶晚烟遲城遠行人少

天寒櫪馬嘶故交還鄴下何日慰深思

健松齋集

朱彞尊初冬北郭讌集分賦詩朋期不違勝引情乍愜

潦看楚澤收簷與蜀岡接樂樂斂餘花燮燮下涼葉短

景猶戀人深杯轉稠疊

曝書亭集

又飲方覲園亭卽送其入都隋苑頻移柳吳歌罷采菱

平山窺戶入遠水出郊澄券尾驢三紙霜羣雁一繩金

臺行在望樂劇許同登

同上

李光地送唐次衣歸廣陵綠浪漾麥花之子循陔去白

頭望斑衣應倚庭前樹巧匠忽袖手遣誰實館署俗下
但奔波豈憶南山霧此行盛所業來只光文部況是古
人心不以三公顧柳雨湖邊舟花風壩上路無窮惜別
意轉作羈人慕投老負君親素食已孤露慰薦賴友朋
棲遲付良晤愁人兮奈何風萍擬離聚邀恩抵故坵去
來幸一遇事業富後生鼎鼎方未暮振刷步清夷甘使
流年誤吾歸山之阿寓我以佳句

榕村詩集

陳維崧送趙天羽郎中出榷揚州鈔關雪後千門皎不
收送君乘傳下邳溝風帆一片迷瓜步城角三更到蔣
州揆柁漫聽囉嘯噴曲算緡眞繫度支愁遙知趙嘏籌邊

增修甘泉縣志

卷二十一

藝文

五十

意不爲吟詩只倚樓 纔說江都意倍親平生此地最
知津鮑昭舊作蕪城賦杜牧曾爲載酒人鴉點雷塘秋
瑟瑟笛吹板渚水粼粼三年京洛棲遲客官閣梅花又

一春

陳檢討詩鈔

馮班有懷却寄仲繁時在維揚花下不得意布衣棲旅
塵銀箏與紅燭入夢太頻頻聚散雲團陣年華日轉輪
因思莊叟語何物是靈椿

馮氏小集

梁佩蘭邗江早發客夢雖在水不知波淺深無端昨夜
雪飄入蘆花林曙星猶未光天氣成積陰忽渡白馬湖
眊眊鳴沙禽遠火照大江長風吹歸心引領望楚國一

發吳會吟隱隱扶桑霞初日照高臨

六螢堂集

毛穉黃送諸大駿男遊廣陵陽春二三月桃李紛婀娜
與子日攜行行國復于野開襟招遠風登樓興瀟灑觴
酌共酬獻懷抱互傾寫如何賦遠遊扁舟忽東下言觀
維揚花行鼓秦淮柁分襟在斯須牽連未能舍送目良
已遙銷魂信非假念于方爾豪轍迹空轆軻姜公殊威
稜張子況風雅赤欄坐觀魚綺陌閒乘馬劇談每超元
高宴必繼大吾徒滯此鄉筋弛神明惰良朋雖云多和
者轉憐寡渺焉愴予心勞勞起復坐何須感嚶鳴且復
送杯聳丈夫志四方誰能盜盈把沉醉終今宵明發望

增修甘泉縣志

卷二十一

藝文

五十一

峩舸

思古堂集

田雯揚州揚州城外方園好水榭風亭花未殘春色已
當三月半酒杯須放十分寬日搜書肆空成癖人喚狂
奴幸解官第五泉邊一枝鱗道巾野服去盤桓

古懽堂集

潘耒揚州江淮百戰後此地尙繁華繫馬一隄柳懸燈
千樹花連雲金埭地流水壁人車寂寞梅花嶺霜林啼

暮鴉

遂初堂集

趙執信揚州旅舍苦雨北人憚船居先喜落城市誰知
屋三間仍與船相似東偏啟門徑西頭著妻子孰中客
一席狼藉堆衣履僮僕隱牆隅坐臥雜筵倚是時天陰

寒十日雨不止荒庖斷續烟敗砌淪漣水窺天如墜淵
堦戶每堅壘行踪脫塵垢客夢困泥滓扶杖出何緣揚
帆興翻起飛書問故舊恍惚半生死鶴語悲千年海勢
限萬里中路滯留難遙期歲華駛佳霽恐無時因風徑

南指

秋谷集

嚴繩孫發維揚輕舫春流上烟光淨客衣岸知緣海濶
山自渡江稀細路花將盡空村燕不飛浮家吾自可白

首共漁磯

秋水集

金鎮廣陵秋興次杜少陵韻山河百戰付殘暉無復離
宮鎖翠微過客漫悲楊柳曲行人但指鷓鴣飛文章蕭

增修甘泉縣志

卷二十一

藝文

五十二

統樓還在賓客劉安事竟違彌望江頭增戍壘秋高苜
蓿馬初肥淮南勝蹟在平山極目南徐指顧間銜尾
漕舟通楚甸踏歌燈市繞邗關雨餘熠燿潛消影霜老

芙蓉暗換顏魚鑰菟符來臥護多慚長孺昔清班

慎墨堂詩

品

李良年廣陵船歌送葉元禮之真州君不見廣陵船烟
波不動笙歌起美人三月鏡中行朝朝暮暮垂楊裏來
往逐春風沿洄路不窮官橋二十四曲曲繞隋宮隋宮
蜀阪逶迤接向晚停歌復停楫一入紅林不見人但聞
香氣飄羣屨河陽方妙年擲果舊相憐遙逢廣陵女應

繫廣陵船頭野色連瓜步岸草江花幾回顧那能兩
槳下眞州却向昭明讀書處

秋景山房集

湯右曾贈歌者時郎三年隋苑鬪繁華定子高筵醉臉
斜水調莫歌歌最苦雷塘幾畝野田花

懷清堂集

姜宸英自金陵還渡廣陵飲李延令秣林江樹雪初殘
東閣梅開歲已闌水驛夜眠無犬吠山田人去傍烏餐

新詩自合題任昉

有馮使君寄訊

塵釜何緣洗范丹堂上開琴

今古調轉將此曲向君彈

葦間詩

費錫璜揚州郭外郊園散步欲何依郭外人家麥秀稀
遊女香車催曉度王孫寶馬入春肥宿烟野渡桃花暗

增修甘泉縣志

卷二十一

藝文

五十二

寒雨江村燕子飛莫問南朝舊宮觀且看柳外畫船歸

擊鯨
堂集

又揚州太守行

正德中蔣公瑤爲郡守武宗南巡公能保護一郡民力至今廟祀之

君不

見武宗昔幸揚州日太守蔣公惜民力一日需布三百
疋一疋只給三五尺臣妻臣女請前驅郡中郡外皆帖
息強項敢觸至尊怒冷面不怕江彬責事臨盤錯思古
人嗚呼古人那再得嗚呼古人那再得

同上

邵長蘅書揚州邸壁斜風密雨打窗涼酒醒殘燈夜正
長作客此時腸已斷更堪明日是重陽

青門籠稿

又隋宮懷古三千錦浪照江霞十里香迴迎輦花不信

祇今春草綠鷓鴣飛上玉鉤斜 同上

傅仲辰揚州夜泊暮雨垂楊細春風廿四橋人投江市
火帆落海門潮舊業餘長缺新詩寄一瓢何人吹玉笛

腸斷故山遙 國朝詩的

許士進揚州道上濁酒寒燈客思清良宵聽雨夢難成
烏篷曉日春江路柳暗花明取次行 謹齋詩稿

王定猷返揚州喜晤孫無言却訝秋還在蕭條滿目非
江山千騎暗城郭一人歸見子南冠泪猶驚楚客衣庭
花何爛熳寂寞伴伊威 四本堂集

張潛廣陵驛古驛枕通津千帆次水濱欲知南渡客細

增修甘泉縣志

卷二十一

藝文

五十四

數北來人日暝看餘景花飛識晚春紛紛移小艇飄泊

此饑民 國朝詩的

何嘉迪揚州紀事韓歐勝賞苦如何藥圃簪花妓折荷
往代到今詞客少斜陽自古戰場多枚生賦後濤猶壯
董相祠前碑盡磨三十餘年烽火恨怕聞玉樹隔江歌
我來官閣詠梅花又聽征車雜戍笳到耳管絃驚水
調關心烽火望天涯平山刻石留丹巘古寺題詩待碧
紗幾許廢興都不管綠楊城郭只啼鴉 同上

吳璟揚州雜題二絕句塞草蕪城舊夢寒歌堂舞閣管
絃殘淒涼南部烟花錄祇遣風流筍筆看 明月珠簾

半欲開隋家隄上醉鞭回十年零亂青樓夢誰遣春風

小杜來 西齋集

潘岵送王野遺之維揚書畫隨君上釣船春風嫋嫋一

帆懸楚山行盡吳山出江月纔明海月圓但聽流鶯歌

玉樹莫尋芳草拾金細憑誰却詠蕪城賦佳麗而今復

似前 獨美軒詩集

王鴻緒過揚州生涯不慣御驂驪畫舫清波性所耽塵

拂征衣來薊北花明客眼到江南隋隄鶯暖聲穿柳京

口雲開翠滿嵐更見列城喧鼓吹香燈錦障色穆穆 橫雲

山人集

增修甘泉縣志

卷二十一

藝文

五十五

曹貞吉清明送錫鬯之揚州風揚幾尺青帘子雨濕一

枝紅杏花共向樂遊原上望鈿車流水入初斜 實菴集

李國宋廣陵竹枝詞吳溝遙接汴河開江上春潮日日

迴夜半槳聲聽不住南船纔過北船來 國朝詩的

王熹儒廣陵秋詞劫火摧殘事已遙至今明月憶吹簫

秋來夜夜霜如霰白草寒烟廿四橋 同上

彭孫適廣陵曉發林外烟生處人家望欲迷青萍紫棹

轉白鳥傍舟低獨樹風鳴葉空江水拍隄孤帆前路去

秋草正萋萋 羨門集

顏光祚竹西曲柳鞦花陰揚子橋農家樂事勝前朝不

須更畏韓擒虎別有深宮貯阿嬌 國朝詩的

斬應昇廣陵楊花篇行人莫上廣陵城 楊花傷我

情行人莫過廣陵路一片楊花一回顧憶昔廣陵江水

春二十四橋多麗人鶯栗一聲塌城角畫閣朱樓皆寂

寞我來逡巡邗溝涯溝裏溝外空楊花三月不問蕃釐

觀馬走不向玉鈎斜楊花三月如白雪日日吹風吹不

歇風吹花落可奈何祇今愁人腸欲絕吁嗟乎榮枯哀

樂無時休我爲君勸君莫愁風流千古隋天子回首雷

塘只廢邱 同上

許承家廣陵懷古漢室藩封貴江都相廣川黃雲遮第

增修甘泉縣志

卷二十一

藝文

五十六

宅朱邸老材賢但有膠西怨誰憐博士舊門前雙井在

嗚咽動寒蟬 獵微堂集

王方岐揚州歌吹詞陌上韶光畫不成青帘白舫棹歌

聲茶蘼開遍棠梨謝楊柳青青萬古情 雨過橫塘柳

浪香採蓮歌發趁斜陽尋常醉賞樽前月珠翠風來錦

瑟傍 同上

王材升客維揚懷浮村上人休夏海陵高僧出世正華

年文選樓中自坐禪客舍予從三蜀返新詩汝已萬人

傳小江曲折生潮水首夏清和上酒船不見南能心若

失海陵雲樹意茫然 同上

余英揚州三度蕪城又十旬紅橋烟景竹西春乘風小
艇尋詩遍繞郭名園載酒頻柳絮不飛隋苑恨月光偏
照夜遊人平山堂上千秋業一似瓊花冷翠茵

同上

汪徵遠邗江泛舟同吳蘭次春水木蘭橈同尋廿四橋
勝時多載酒風氣愜吹簫錦纜餘烟井粧臺有牧樵相
思在明月好夜更須招

同上

孫宗元自金陵返棹維揚書空愁坐旅情孤厭見兵戈
送老儒故國八哀人物志舊時三殿黍離圖金天夜靜
揚州月銀海光寒高士湖肯效枚皋誇草檄鴟夷傾倒
酒家壺

同上

增修甘泉縣志

卷二十一

藝文

五十七

周在浚揚州隋隄垂柳復垂楊萬里江山化戰場不見
瓊花開廢苑獨憐螢火照雷塘千秋基業成烟草一代
風流是帝皇昨向迷樓問遺跡杜鵑啣恨哭斜陽

南行集

江闔至日用少陵首句送外舅還廣陵年年至日長爲
客客久何人不憶家浪得齊名徒自笑幾堪遠別漫興
嗟洞庭雲起隨帆落磊石山高帶日斜安得雷塘同放

櫂三春飽看嶺頭花

江辰六文集

史申義送唐次衣歸里三首十年京輦客三月故園心
酒價傾燕市才名滿上林閒騎果下馬嬾問篋中金射
策身方貴名山莫戀深 春晚雷塘路楊花輓作毬君

聽烟外笛應上水邊樓舊侶尋何遜新粧看莫愁玉鈎
斜畔月先爲照歸舟 金輿巡幸後到日脫征衣巷口
櫻桃賤槃中豆筴稀盆花當晝發江燕近人飛若見吹

簫伴言予倦欲歸

謂王孚嘉鮑
又昭諸昆季

過江集

呂履恒揚州四首西苑離宮鎖翠微錦帆清夢幾時歸
秋山月冷無螢火夏木風多有燕飛桃葉渡頭先洗甲
楊花曲裏又沾衣洛陽回首腸堪斷莫向江南望夕暉
龍舸鷄臺總廢墟廣陵潮信近何如兵銷燐火思黃
蓋野葬衣冠痛史魚邗水蓮舟風色冷蜀岡松徑月明
虛南朝諸鎮金牌撤不用聊城射矢書 淮海東來列

增修甘泉縣志

卷二十一

藝文

五十八

漢營將軍誰復嗣西征晉陽興甲非無意許下遷都亦
有名雲黑旌旗翻夜壘天清笳鼓響秋城尙餘詞客登
臨處忍見雷塘土欲平 麴塵楊柳暗紅橋六代繁華
未盡消春草烟生金馬埒江花月上玉人簫詩成東閣
朝乘傳酒坐西亭夜聽潮惟有平山堂上客風流名姓
在漁樵

夢月巖詩集

查慎行題畫贈揚州王漢藻一路垂楊記泊船北湖南
埭水浮烟君家舊住茱萸泝別築灣頭小鞦韆

敬業堂
集

又過揚州示崔性賦楊曉先兩同年不到紅橋已八年
有人柳下記停船楊郎落第崔郎病縱使同遊越可憐

同上

王籟送陳生歸維揚買舟南下送潺湲解纜開窗過早
關紅葉還留前代樹白雲多近晚秋山霜橋夜月雷塘
水草路明湖胥浦灣若得等閒尋勝跡玉鈎斜在綠楊

問 國朝詩的

查嗣璫泊舟邗溝次宮坊沈允斌茸裘押酒上旗亭十
斛羈愁頓易醒昨夜燈船船上笛有人遙隔雨絲聽
落盡春叢次第花茶蘼開後始還家擬將天上繁華夢

歸向山窗幾夜誇

查浦詩鈔

又及門方近雯招同鮑又昭汪民長楊匯南唐序皇放

增修甘泉縣志

卷二十一

藝文

五十九

舟郭外金松粉竹繞閒廳鹿眼籬荒鶴墮翎啼鳥不知
花易主名園今已換旗亭 崔魏論文藝且賢酒樓吹
笛杏花天定知今夕江南會突過黃樓五百年 同上

劉中柱廣陵送金長真太守之任東南勝概廣陵最枕
江背淮稱都會甘泉一山插其中邵伯五湖環其外千
船萬船鹽似雪啣尾帆飛無斷絕珊瑚翡翠滿市來繡
箔珠簾通衢列層疊歌臺錯舞榭銀燭光燒天不夜紅
牙白芷轉嬌喉綠珠碧玉千金價明月常照廿四橋仙
人騎鶴雲端招雷塘五月荷花滿隋苑柳絮三春飄繁
華美景看不足居民只愛平山麓歐陽太守播芳名千

秋更有何人續開國相傳三十年風流寂寞總可憐文
選樓廢飛空靄仲舒宅閉鎖冷烟除書喜見高賢德廣
陵山水生顏色中原文獻舊典型才名嘖嘖喧南北詩
成真使鬼神懼筆落疑是蛟龍赴元禮之門盡願登不
嫌坐客多衣布汝寧猶傳口碑聲朱轡又指江淮行江
淮七歲天吳虐清水隄決波濤驚飛鴻遍野哀何極使
君雨露隨車滴遙知竹馬兒童迎一到福星臨澤國

兼隱

齋詩
鈔

顧嗣立送許舍人歸揚州

時舍人年三十

曾共揚州杜牧之紫

微宅畔日吟詩二分明月猶清景十里珠簾想舊時夜

增修甘泉縣志

卷二十一

藝文

六十

漏黃扉判事早朝雲繡閣畫樓遲舍人樣好方三十比

似潘郎鬢未絲

雙井書屋集

徐昂發揚州三首木鷺沉處錦帆斜隋氏離宮接暮霞
辱井有魂翻玉樹仙都無夢餉金蛇裙縑禹穴千年繭
鏡湧迷樓萬朶花莫向吳公臺上望江南江北總無家
四鎮功名歎忽淪延和高閣醮仙眞思驂鶴轡收風
實細舞霞裳蹋月輪院裏吹簫秦駙馬堦前說劍聶夫
人可憐鷓子翻成後弇女兵符不救身 欄檻層層俯
薜蘿文章太守昔經過花爭幕下紅粧艷山借江南翠
黛多酒拍玉船添畫燭香籠繡毯試蠻鞞春風楊柳垂

垂綠腸斷蘇公一曲歌 乙未亭詩集

許田揚州感舊廣陵風景昔繁華近水層樓繡幕遮隋苑螢飛還傍月蕪城柳暗只藏雅冶遊士女臨芳徑勝

日烟花滿狹邪好覓酒壚銷旅況不知誰唱美人車 屏山

對床集

繆沅秋日廣陵雜興二首遙山幾點如潑墨螺髻碧玉交相圍定攜蓑笠造紅頂孤鶴傲岸誰能鞮 滄浪亭子堆蒼苔秋花零落千叢開碕西草堂昨夜雨更有何人問菊來 江左十五子詩集

宮鴻歷次商邱公秋日廣陵雜興四首簾捲春風憶昔

增修甘泉縣志

卷二十一

藝文

六十一

年青樓薄倖杜樊川揚州鏡子盤龍樣欲鬪銀濤碧月圓 連墻野竹滿庭苔六纛門前逐曉開不用材官陳導騎東鄰探看此君來 鱸聲鴉軋並溪聞灣口新河燕尾分打轉船頭望歸路淮流脈脈雨紛紛 南臺九日且乘閒謝客新篇未許刪江上青樓何處所寄奴村

落戴顓山 同上

郭元紆奉和商邱大中丞廣陵雜興三首檐聲送到催詩雨野色營成命酒天笋脯橘乾隨意酌筆牀茶竈自牽船 秋城如練水如苔沙鳥汀鷗日日來九月淮南有佳處蟹螯肥足酒無灰 老雨欺秋入夜分竹墻松

院益紛紛荒涼逆旅三間月瀲灩床頭一甕雲一鶴詩集

覺羅文昭題茱萸灣曉秋圖二首胸中筆底兩無塵定

有詩篇白雪新畫裏茱萸灣認秋色荷花如笑柳如顰

松園高秀程嘉燧青溪程正揆古二老南宗筆墨殊六十餘

年風雅盡眼前今見曉秋圖古瓚集

管掄邗江龍舟詞四首珠簾畫舫碧波紋杏子花衫薄

似雲艾鬢巧成蘭葉髻榴風颺起藕絲裙御柳迎風

細似絲錦帆銜尾鷲波時傷心斜日雷塘路猶把當年

水調吹日落征帆沒遠坡暖風如醉撲香莎玉簫齊

唱江南曲碎雨零烟葬阿麼心情老去不堪持長日

增修甘泉縣志 卷二十一 藝文 六十二

歸帆譜竹枝紅板橋頭明月夜一杯還酌杜分司江左十五

子詩選

王式丹送唐次衣暫還廣陵花發蕃釐白玉枝何郎霧

夕最能詩三書光範窮途憾一賦凌雲

聖主知燕市風烟醒客夢揚州櫻笋羨歸期挂帆曾唱

江南弄遲爾高秋對酒卮忍冬齋集

張茂稷江都懷古江北江南江路悠江都地接大江頭

繁華有盡山川在雲水無心日夜流莫恨頻年成戰國

當時寸土亦迷樓至今鴉叫楊花白猶爲雷塘釵釧愁

芸圃近詩

丁煒維揚秋泊廣陵夜色入秋寒朔雁南飛楓樹丹獨
有關門明月在澄江楚練耐人看

問山詩集

程式莊揚州午日龍舟詞鴨綠新波鏡面開小腔鼉鼓

濕輕雷朱舷十里香生笑恨不親牽殿脚來 石榴裙

醮波紋碧艾葉旛侵鬢朶鼓不見垂髻人後至日斜腸

斷杜分司

紅葉書莊詩

魏嘉琬吳園春集東風池上漸波瀾閤閤鷗聲聽浴湍
雪未全消留印屐芹纔曉摘試登盤斷紅人帶春遊色
陣墨鴟衝烟破翰今日夜城簫鼓溢肯分燈火照歸鞍

國朝詩的

增修甘泉縣志

卷二十一

藝文

六十二

殷譽慶邵伯夜歸暝色亂晴空炊烟處處同水搖雙槳

月岸轉一旗風沙鳥數叢白漁燈幾點紅香醪沽正美

歸棹莫匆匆

菰蘆集

許迎年偶題畫舫輕搖帶晚潮月明樓外聽吹簫繁華

莫問當年事腸斷春風廿四橋

國朝詩的

吳嶽訪二十四橋當年小杜揚州夢十里春風已寂寥

好句難忘明月夜幽懷偏憶玉人簫鶯花天遣成南國

歌舞人徒怨六朝二十四橋何處是竹西燈火亂漁樵

同上

杜詔隋隄曲隋隄一帶官河口不種桑麻種楊柳錦帆

帝子數巡遊厭住京華樂奔走將兵西域再征遼呼韓
嵇顛諸蕃朝江都宮院伺顏色翡翠玻璃姿雕飾水晶
殿揭珠簾開香風吹送飛仙來凭肩笑語能幾回夢遊
恍惚吳公臺吳公臺下雷塘路野土茫茫亂烟樹傷心
爲弔玉鈎斜柳色昏黃不知處

黃儀逋詩

閨秀朱中楣歲杪蒼梅君維揚久閱鄉關未忍離罪罪
應值到家時梅開芳信書憑早夢繞江千月上遲彭澤
喜裁歸去賦蕪城愁和寄來詩新篔正熟思君賞獨坐
深宵且課兒

陳氏珮將歸揚州呈兩大人高堂鍾愛勝男兒生小閨

增修甘泉縣志

卷二十一

藝文

六十四

中到處隨頓使離家事姑舅忍教扱地謝嚴慈過庭曾
習桃夭詠往送難忘敬戒辭只恐淇泉勞遠夢寧親何

日慰相思

閨房集

詞

唐韋莊河傳一闋何處烟雨隋隄春暮柳色葱籠畫橈
金縷翠旗高颭香風水光融 青娥殿脚春妝媚輕雲
裏綽約司花妓江都宮闕清淮月映迷樓古今愁

浣花集

五代毛文錫柳含烟一闋隋隄柳汴河春夾岸綠陰千
里龍舟鳳舸木蘭香錦帆張 因夢江南春景好一路

流蘇羽葆笙歌未盡起橫流鎖春愁

花間集

宋蘇軾浣溪紗

揚州賞芍藥櫻桃

芍藥櫻桃兩鬪新名園高會

送芳辰洛陽初夏廣陵春紅玉半開菩薩面丹砂濃

點柳枝脣尊前還有箇中人

東城詞

前人虞美人

與秦少游維揚飲別

波聲拍枕長淮曉隙月窺人小

無情汴水自東流只載一船離恨向西州竹溪花浦

曾同醉酒味多於泪誰教風鑑在塵埃醞造一場煩惱

送人來

同上

前人臨江仙一闋尊酒何人懷李白草堂遙指江東珠

簾十里捲香風花開花又謝離恨幾千重輕舸渡江

連夜到一時驚笑衰容語音猶自帶吳儂夜闌相對處

增修甘泉縣志

卷二十一

藝文

六十五

依舊夢魂中

同上

前人江城子一闋黑雲拖雨過西樓水東流晚烟收柳

外殘陽回照動簾鉤今夜巫山真箇少花未落酒新篘

美人微笑轉星眸月華羞捧金甌歌扇縈風吹散一

春愁試問江南諸伴侶誰似我醉揚州

同上

秦觀夢揚州

本意

晚雲收正柳塘烟雨初休燕子未歸惻

惻輕寒如秋小闌干外東風軟透繡幃花密香稠江南

遠人何處鷓鴣啼破春愁長記曾陪燕遊酬妙舞清

歌麗錦纏頭帶酒困花十載因誰淹畱醉鞭拂面歸來

晚望翠樓簾捲金鈎佳會阻離情正亂頻夢揚州

淮海集

前人望海潮

廣陵懷古

星分牛斗疆連淮海揚州萬井提封

花發路香鶯啼人起珠簾十里春風豪俊氣如虹曳照

春金紫飛蓋相從巷入垂楊畫橋南北翠烟中 追思

故國繁雄有迷樓挂斗月觀橫空紋錦製帆明珠濺雨

寧論爵馬魚龍往事逐孤鴻但亂雲流水縈帶離宮最

好揮豪萬字一飲拚千鍾

同上

前人長相思

揚州懷古

鐵甕城高金山渡濶千雲十里層樓

開樽待月掩箔披風依然燈火揚州綺陌南頭記歌名

宛轉鄉號溫柔曲檻俯清流想花陰誰繫蘭舟 念淒

絕秦絃感深荆賦相望幾許凝愁勤勤裁尺素奈雙魚

增修甘泉縣志

卷二十一

藝文

六十六

難渡瓜洲曉鏡堪羞潘鬢點吳霜漸稠幸于飛鴛鴦未

老綢繆

同上

前人滿庭芳一闋晚色雲開春隨人意驟雨方過還晴

高臺芳樹飛燕蹴紅英舞困榆錢自落韃鞬外綠水橋

平東風裏朱門映柳低按小秦箏 多情行樂處珠鈿

翠蓋玉轡紅纓漸酒空金榼花困蓬瀛荳蔻稍頭舊恨

十年夢屈指堪驚凭闌久疏烟澹日寂寞下蕪城

同上

晁補之江神子

廣陵送王左丞赴闕

舊山鉛槧倦棲遲叩宸闈向

淮圻五馬行春初喜後車隨太守風流容客醉花壓帽

酒淋衣 隋宮烟水草萋萋菊花時動旌旗起舞留公

且住慰相思王粲詩成何處寄人北去雁南飛琴趣外篇

前人虞美人廣陵別江南載酒平生事遊宦如萍寄蓬山

歸路傍銀臺還是揚州一夢却驚回 年年后土春來

早不負金樽倒明年珠履賞春時應寄瓊花一朵慰相

思同上

前人浣溪紗廣陵別悵飲都門春浪驚東風身與白鷗

輕淮山一點眼初明 誰使夢回蘭芷國却將春去鳳

凰城檣烏風轉不勝情同上

前人西平樂廣陵送王資政正仲赴闕鳳詔傳來絳闕當立思賢輔

淮海甘棠惠化霖雨商巖吉夢熊虎周郊舊卜千秋盛

增修甘泉縣志

卷二十一

藝文

六十七

際催促朝天歸去動離緒 空眷戀難留住新植雙亭

臨水風月佳名未覩準擬金樽時舉況樂府風流一部

妍歌舞縈雲回雪親教與恨難訴爭欲攀轅借住功成

繡袞重與江山作主同上

前人八聲甘州揚州次韻和東坡錢塘作謂東坡未老賦歸來天未

遣公歸向西湖兩處秋波一種飛靄澄輝又擁竹西歌

吹僧老木蘭非一笑千秋事浮世危機 莫倚平山闌

檻是醉翁飲處江雨霏霏送孤鴻揮手相接眼中稀念

平生相從江海任飄蓬不遣此心違登臨事更何須惜

吹帽淋衣同上

前人驀山溪

和王定國朝
憶散廣陵

揚州全盛往事今何處帆錦

兩明珠罨薔薇月中嬉語朱衣白面公子似神仙登雲

嶼臨烟渚狂醉成懷古 蘭舟歸後誰與春爲主吟笑

我重來倚瓊花東風日暮吳霜點鬢流落共天涯竹西

路高陽侶魂夢應相遇

同上

曾覲朝中措

維揚感懷

雕車南陌碾香塵一夢尙如新回首

舊遊何在柳烟花霧迷春 如今霜鬢愁停短棹嬾傍

清樽二十四橋風月尋思只有銷魂

海野詞

呂濱老思佳客一闋曾醉揚州十里樓竹西歌吹至今

愁燕啣柳絮春心遠魚入晴江水自流 情渺渺夢悠

增修甘泉縣志

卷二十一

藝文

六十八

悠重尋羅帶認銀鈎挂帆欲伴漁人去只恐桃花悞客

舟

聖求詞

蔡伸菩薩鬢

廣陵感事

水光山影浮空碧柳絲搖曳春無力

柳岸繫行舟吹簫憶舊遊 舊遊堪更憶望斷迷南北

千古恨悠悠長江空自流

友古詞

賀鑄太平時一闋秋盡江南葉未凋晚雲高青山隱隱

水迢迢接亭皋 二十四橋明月夜弭蘭橈玉人何處

教吹簫可憐宵

東山樂府

戴復古錦帳春

淮東陳提舉清明奉
母夫人遊徐山翁菴

處處逢花家家插

柳政寒食清明時候奉版輿行樂使星隨後人間稀有

出郭尋仙繡衣春畫馬上列兩行紅袖對韶華一笑

勸太君酒百千長壽

石屏詞

張榘賀新郎

次拙逸劉直孺
維揚客中韻

襟度天爲侶價平生放浪

江湖浮雲行住倒挽峽流歸筆底袞袞二並四具何尙
友滄波鷗鷺藻黻皇猷君能事況賢書兩度登天府急
著手佐明主 晴風一舸來瓜步剪燈花樽酒論詩頓
忘羈旅逼曉蠻牋傳金縷一片瑰詞綺語甚獨蠶抽成
長緒當代壑翁文章伯定不教彈鋏輕辭去留共濟孤

舟渡

芸窗詞

辛棄疾水調歌頭

舟次揚州

落日暗塵起邊馬獵清秋漢家

增修甘泉縣志

卷二十一

藝文

六十九

組練十萬列檻聳層樓誰道投鞭飛渡憶昔鏑鳴血汚
風雨佛狸愁季子正年少匹馬黑貂裘 今老矣搔白
首過揚州倦遊欲去江上手種橘千頭二客東南名勝
萬卷詩書事業嘗試與君謀莫射南山虎直覓富平侯

稼軒長
短句

趙希邁八聲甘州

竹西
懷古

寒雲飛萬里一番秋一番攪離

懷向隋隄躍馬前時柳色今度蒿萊錦纜殘香在否枉
被白鷗猜千古揚州夢一覺庭槐 歌吹竹西難問拚
菊邊醉著吟寄天涯指紅樓蹤跡茅屋染蒼苔幾傷心
橋東片月趁夜潮流恨入秦淮潮回處引西風恨又渡

江來 西里稿

吳潛念奴嬌 寄趙南仲 半空樓閣把江山圖畫一時收拾白

鳥孤飛飛盡處最好暮天秋碧萬里西風百年人事漫

倚闌千拍凝眸何許揚州烟樹歷歷 應念老子年來

浮名浮利已作虛空擲三逕才尋歸活計又是飄零爲

客回首平生驚心雙鬢容易成悽惻尊前一笑且由醉

帽敲側 履齋詞

姜夔揚州慢 丙申至日過揚州 淮左名都竹西佳處解鞍少駐

初程過春風十里盡薺麥青青自胡馬窺江去後廢池

喬木猶厭言兵漸黃昏清角吹寒都在空城 杜郎俊

增修甘泉縣志

卷二十一

藝文

七十

賞算如今重到須驚縱荳蔻詞工青樓夢好難賦深情

二十四橋仍在波心蕩冷月無聲念橋邊紅藥年年知

爲誰生 白石詞

劉克莊清平樂 頃在維揚陳師文參議家舞姬絕妙賦此 宮腰束素只怕能

輕舉好築避風臺護取莫遣驚鴻飛去 一團香玉溫

柔笑顰俱有風流貪與蕭郎眉語不知舞錯伊州 後村別調

前人沁園春 維揚作 遼鶴重來不見繁華只見凋殘甚都

無人誦何郎詩句也無人報書記平安閭里俱非江山

畧是縱有高樓莫倚闌沉吟處但螢飛草際雁起蘆間

不辭霜宿風餐怕萬里歸來雙鬢斑算這邊贏得黑

貂裘敝那邊輸了翡翠衾寒檄草流傳吟牋倚閣開到

瓊花亦嬾看君記取向中州差樂塞地無歡同上

葛郊玉蝴蝶和維揚晁侍郎寄強伯憶昔茗溪慣弄五月笛四水

烟蓑何事毘檀門外馬駐長坡野花中亂紅杳靄小橋

外疊翠嵯峨且顏酡但存長袖舞到婆娑云何在車

笠盟人政春行五馬月皎千波羸聽賓僚聽隔牆無事

高歌悵烟寒瑞麟墮簾霧細寶鴨香多試蹉跎一枰落

日又送樵柯信齋詞

方岳風流子和楚客維揚燈夕小樓簾不捲花正鬧燈火競元

宵舊日何郎飛金叵羅三生杜牧醉董嬌嬈香塵路雲

增修甘泉縣志 卷二十一 藝文 七十一

鬆鸞髻月襯馬蹄驕彷彿神仙劉安雞犬分明富貴子

晉笙簫 人生行樂爾君不見迷樓春綠迢迢二十四

經行處舊月今橋但索笑梅花酒消新雪縱情詩草筆

捲春潮俛仰人間陳跡莫惜金貂花草粹編

汪元量六州歌頭 綠蕪城上懷古恨依依淮山碎江

波逝昔人非今人悲惆悵隋天子錦帆裏環珠履叢香

綺展旌旗盪漣漪擊鼓搥金擁瓊璈玉吹姿意遊嬉斜

日暉暉亂鶯啼 銷魂此際君臣醉貔貅弊事如飛山

河墜烟塵起風淒淒雨霏霏草木皆成泪家國棄竟忘

歸笙歌地歡娛地盡荒畦惟有當時皓月依然挂楊柳

青枝聽隄邊漁叟一笛醉中吹興廢誰知 湖山類稿

周密踏莎行 與莫兩山談
邗城舊事 遠草情鍾孤花韻勝一樓聳

翠生秋暝十年二十四橋春轉頭明月簫聲冷 賦藥

才高題瓊語俊蒸香壓酒芙蓉頂景留人去怕思量桂

牕風露秋眠醒 賈洲漁笛譜

元張翥水龍吟 廣陵送客
賦蓼花 芙蓉老去妝殘露華滴盡珠

盤泪水天瀟灑秋容冷淡憑誰點綴瘦葦黃邊疎蘋白

外滿汀烟穉把餘妍分與西風染就猶堪愛紅芳媚

幾度臨流送遠向花前偏驚客意船牕雨後數枝低入

香零粉碎不見當年秦淮花月竹西歌吹但此時此處

增修甘泉縣志 卷二十一 藝文 七十一

叢叢滿眼伴離人醉 蛻宕詞

前人春從天上來 廣陵東行
和松雲子 嫋嫋秋風聽響徹雲間彩

鳳啼雄羸女飛下玉佩玲瓏腸斷十二臺空渺霜天如

海寫不盡楚客情濃燭綃紅更將金振羽變徵移宮

揚州舊時月色歎水調如今離唱誰工露葉殘蛾蟾花

遺粉寂寞瓊樹香中問坡仙何處滄海上夢想無蹤思

難窮把一襟幽怨吹與魚龍 同上

前人沁春園 廣陵九
日泛舟 何許登臨路遶蕪城岡連楚阜愛

流雲低響歌催瓊樹微波照影人艷仙桃松院移尊柳

橋攜袖隨處蘭舟且暫捎秋無際望空江雁遠落木天

高 不妨左手持螯把右手金尊送濁醪歎雞臺草暗
淒然興廢龍山烟冷老矣英豪白髮寧饒黃花儘插要
裏西風破帽飄劉郎醉把吳牋笑擘試與題餽 同上

前人金縷詞

送王季培
還廣陵

西水湖邊路看依然水光山色

自宜晴雨天上歸來重載酒惟有舊盟鷗鷺笑鬢影星
星如許公子華筵涼似水更綠鬢 歌金縷留晚醉看
眉嫵 三生書記真豪舉把平生香奩軟語錦囊佳句
君到淮南明月夜爲問崔娘安否翻作錦箏新譜只恐
驚鴻窗外起趁行雲直過滄江去飛不到斷腸處 同上

前人聲聲慢

揚州箏工以虞
學士詞求賦

金鑾學士天上歸來蘭舟

增修甘泉縣志

卷二十一

藝文

七十二

小駐蕪城供奉新詞幾度慣賦鳴箏相逢沈郎絕藝爲
尊前細寫餘情問何似秦關雁度楚樹蟬鳴 我亦從
來多感但登山臨水慷慨愁生一曲哀彈只遣髯變魂
驚行期買花載酒趁秋高月朗風清須盡醉聽江頭腸

斷數聲

同上

前人風入松

廣陵元夜
病中有感

東風巷陌暮寒驕燈火鬧河橋

勝遊憶遍錢塘夜青鸞遠信斷難招蕙草情隨雪盡梨
花夢與雲消 客懷先自病無聊綠酒負金蕉下帷獨
寢春城外玉漏聲遙可惜滿階明月更無人爲吹簫 同上

張野木蘭花

送君仁之淮
南轉運使任

羨秋空一鶚便得意脫塵鞵

有道義高情經綸大手每事優遊中朝共推雅望問如
何不肯少遲留蓮幕三年帝里白雲幾夢揚州 威名
久矣播湖頭地上看錢流喜鞭算之餘瓊花未老萱草
忘憂依依送君南去笑竿頭戲技幾時收寄語西樓雙
鶴春風來迓吾舟 右山樂府

白樸水龍吟

維揚途中值雨

短亭休唱揚關柳絲惹盡行人怨

鴛鴦雙影枯荷蒂淡沙寒水淺紅綬雙銜玉簪中斷苦
難留戀更黃花細雨征鞍催上青衫泪一時濺 回首
孤城不見黯秋空去鴻如線情緣未了誰教重賦春風
人面鬪草閒亭采香幽徑舊曾行徧謾今宵酒醒無言

增修甘泉縣志

卷二十一

藝文

七十四

有恨恨天涯遠

歷代詞選

倪瓚柳稍青

贈妓小瓊英

樓上玉笙吹徹白露冷飛璫珮玦

眉黛含顰香殘棲夢子規啼月 揚州往事荒涼有多

少愁縈思結燕語空梁鷗盟寒渚畫闌飄雪

雲林樂府

劉明炳春草碧

蕪城懷古

平山堂東風何處海棠春瓊花月

橋上十里珠簾金釵翠袖歌聲徹醉倒玉人扶銀燭揭

莫問舊日江山幾多離別却憶錦帆遊迷宮闕回首

故苑繁華五陵豪氣都消滅斷柳鎖寒烟潮聲咽

春雨軒集

馬洪蝶戀花

送孫道甫遊揚州

西子湖邊春浩渺翠入平山綠

染汀洲草檀板銀箏歌窈窕烟花如霧樓臺曉 我意

留君君笑倒揚州不比杭州好只是離多合會少相思

容易朱顏老 花影集

國朝曹溶燭影搖紅 揚州己未正月十四夜 江左名宵六街化作流

蘇結讓他燈影乍分明最愛朦朧月攪動閒愁不歇遍

相逢鬧花驚蝶裁紈扇小塗粉車輕陳隋時節 冷落

紅橋頓看簫管吹教熱肯嫌芳藥未開園火樹層層葉

今夜何人報帖記三生杜郎曾說曲殘簾下酒醒樓頭

尚在春怯 靜惕堂詞

前人攤破浣紗溪 廣陵飲李太虛寓中出家姬作劇 紅橋舊日深情地

一片玉簫吹畫蛾青斂著人多處不在歌時 教師催

增修甘泉縣志

卷二十一

藝文

七十五

出齊登繡毯擺落遊絲曲終簾捲堂前黃月占斷相思

同上

彭桂望江南一闋江都恨舊事說隋朝錦纜紅穿花殿

脚羅裙綠剪柳宮腰齊上月明橋 今荒塚塵土鈿香

消螢苑風涼山火細龍舟潮落弩臺高不見杳娘簫 華瑶

集

毛奇齡虞美人 廣陵李宗伯寓觀女劇作 蕪城新曲勾欄淺覆地攏

揄軟小蠻金管雪兒箏二十四橋明月照人醒 三朝

不作銜書鳳但舞江南弄曉風散去彩雲愁可是竹西

歌吹舊揚州 毛翰林集

彭孫適菩薩鬢

除夕阮亭廣陵署中守歲

時序關心殘臘盡同雲

劈雨寒猶緊小暖逼爐烟江春入舊年 芳柑傳綺席

好事過除夕香雪動園梅春同人未回

瑤華集

朱彞尊清平樂

維揚春暮集唐

春融艷艷

韓偓

燕外晴絲卷

杜甫

回首夕嵐山翠遠

李伸

芳草落花無限

邱丹

比來

寒食

鮑防

風臺水榭逶迤

鄭槩

揚子津頭月下

白居易

易遊人處處歸隨

陳元初

曝書亭集

前人長相思

紅橋尋歌者沈西

石橋西板橋西遙指平山日未

西舟來蓮葉西

人東西水東西十里歌聲起竹西

施更在西

同上

增修甘泉縣志

卷二十一

藝文

七十六

前人蝶戀花

揚州早春

十里雷塘歌吹遠柳巷人家蘸水鷺

黃淺遊子春衣都未換鈿車早已東城徧 妝冷罷遮

蟬雀扇最恨微風不放珠簾卷斜露翠娥剛半面心飛

玉燕釵頭顫

同上

沈岸登和前調是處梅花香近遠點點苔枝漏泄春光

淺歎息年華看又換踏歌聲裏揚州徧 睡起雲屏山

六扇羅帳無人一任東風卷細馬馱來嬌滿面凭闌小

語聽猶顫

前人永遇樂

揚州除夕和竹垞韻

何事飄零天涯除夕幾度羈旅

今夜邗江去年燕市客泪雙垂縷銀燈初卸金壺頻咽

不寐更籌閒數更誰聽揚州歌吹撥火寒爐無語 淒涼東閣官梅初發對酒看人兒女三十年來鏡中綠鬢都被儒冠誤清溪白屋團圓兄弟夢裏分明曾去正相思關山南北夜闌疎雨

陳維崧揚州慢

送史遽菴之廣陵

十里珠簾半城畫艇百年花

月維揚有君家丞相梅嶺舊祠堂每年到清明賽社傾城士女愁弄壺觴只無情隄柳舞腰還鬪宮妝扁舟上塚聽鄰船重話興亡奈石馬嘶風銀蠶弔月往跡全荒我亦當年薄倖曾吹過一帽紅香問桃花認否風前前度劉郎

增修甘泉縣志

卷二十一

藝文

七十七

李符揚州慢

廣陵驛舍對月遇山左調兵南下

老柳梳烟寒蘆載雪江

城物候秋深怨金河叫雁斷續和疎砧記前度邗溝繫纜衫又破愁到如今悵無眠伴我淒涼月在檣陰竹西歌吹甚聽來都換笳音料鎖篋攜香籠燈照馬翠館難尋淮海風流秦七今宵在夢更傷心有燕西屯處明朝莫去登臨

吳棠禎踏莎行

廣陵懷古

瓜步潮飛蒜山雲疊一帆遠挂江

門雪青樓燈火照揚州花開醉酒香塵滅鳳艓歌空龍車香歇蕪城草綠飛蝴蝶隋家楊柳泣黃昏玉簫畱

下紅橋月

瑤華集

沈謙沁園春

寄贈王揚州二首

不斷長江錦雪翻雲日夜東流

怪萬里烟花終沉五劍二分明月先照隋鈎郡縣勞人
文章絕世斗大如何困一州偏豪邁在詞中拜爵醉裡
封侯 瓊花寄我難酬奈小滿蕪城夜色浮道執卷跨
牛其中有樂腰錢騎鶴此外何求素札空傳玉簫誰教
泛泛還同沙際鷗虛名悞但濃斟玉液暖被貂裘 羨
爾高情濯足淮河振衣蜀岡便眺覽烟雲何妨薄宦沉
酣典籍不愧清狂駿馬穿花佳人雪藕摘徧朱荷水一
方新歌奏早聲傳北里色豔東皇 墨痕錦袖琳瑯但
長望星橋有報章任歲月驅馳宮中磨蝎風塵黯黹路
上亡羊一日不齊百年渾醉攜手頻移翰墨場休回首
縱蘭陵酒美何處吾鄉

增修甘泉縣志

卷二十一

藝文

七十八

鮑鼎銓滿庭芳

廣陵懷古

三月烟花滿城歌吹繁華長記揚

州錦帆天子千古獨風流最愛遊傳清夜江南好柳纜
龍舟消沉久斷碑殘碣何處覓丹邱 迷樓橫暮雨玉
勾斜畔碧水空愁只平山堂下憑弔夷猶二十四橋仍
在汀洲靜眠穩沙鷗經行處斜陽芳草妝點廣陵秋
葉藩念奴嬌

廣陵送毛亦史之白下

萍踪忽聚恠旗亭賞酒相逢

還別點染楓林青嶂外漸過小春時節雁陣橫空孤帆
南渡潮滿江聲潤揚州自遠石城多少明月 遙想訪

舊秦淮久辭歌管剩有波千折繡幕珠簾寒不捲總被
暮笳吹徹欲問遺宮層層衰草誰向遊人說白雲梯在
著鞭應上天闕

王式丹望江南

揚州樂
十曲

揚州樂佳節正元宵千市花燈

侵夜月兩城簫鼓拂春潮遊賞徹來朝揚州樂春色

徧三山傍寺杏花遊女摘沿隄楊柳醉人攀綵鷁不曾

閒揚州樂踏草是清明隴上開裊旋命酒林邊駐馬

正聞鶯晴靄玉鈎橫揚州樂婪尾牡丹開有暇共尋

沽酒地無人不爲看花來清翠繞重臺揚州樂重午

鬪龍舟畫鼓爭搗衝水面繡旗低颭轉船頭濤隱廣陵

增修甘泉縣志

卷二十一

藝文

七十九

浮揚州樂消夏看荷花十里薰風迷白舫一灣流水

襯紅霞暄晚夕陽斜揚州樂郊野染秋容淡日輕烟

籬落畔嫣紅淺綠畫圖中蠻榼數過從揚州樂清夜

賞中秋棹度紅橋燈射岸鷓飛金谷月當樓處處轉歌

幽揚州樂秋老近重陽雲擁蜀岡霜欲墮樹圍梅領

葉初黃對酒晚籬香揚州樂寒色滿平山檻外烟銷

千嶺出溪頭風定一舟還長嘯動江關

龍竿
集

以上
原志

續志詩

邵伯埭下寄高郵陳郎中

宋

徐鉉

故人相別動經年候館相逢倍慘然顧我飲冰難輟棹

感君扶病爲開筵
河灣水淺翹秋鷺
柳岸風微噪莫蟬
欲識酒醒魂斷處
謝公祠畔客亭前

登揚州孝先寺佛閣

趙湘

勝寺登危閣
凭欄卽近鷗
無雲生北固
看日下南朝
木落吳山迴
天晴楚水遙
從容萬慮息
自喜赴僧招
呂吉甫第乃謝鎮西故居中閒嘗爲佛刹而雙檜則舊物也劉夢得有詩因賦其韻

李之儀

故國悲涼古木奇
勢分庭下蔚相差
霜根半露出林虎
畫影全舒破賊旗
寶界曾迴鋪地色
節旄還映插雲枝
劉郎風韻知誰敵
儒帥端能表異時

增修甘泉縣志

卷二十一

藝文

八十

遊大明寺

宋庠

總轡出西垞
寥寥旭宇明
叢岡森地秀
飛塔恍神行
惠味霑仙露
疲心識化城
遠香來不斷
空梵過猶清
坐惜忘機晚
居慙縲組榮
撫懷今古恨
高世友僚情
顧慕羣芳歇
徘徊極野平
低雲參駐蓋
寒木隱前旌
風轉松添韻
霜餘菊挫英
碧垂天勢匝
紅上日華輕
壘廢麇麇樂
池荒雁鷺鳴
宮垣除凜國

偽吳故宮在此

臺址畏軒兵

建隆行闕據其

內勝踐欣同適
沈憂悔自嬰
理融無物我
神照罷將迎
絢藻春供麗
投珍佩合聲
莫嗤三歎拙
聊謝兩心傾

建隆寺北池亭

宋庠

寶刹開初地滄浪繞故城芰蓮俱野色鳧鶉各秋聲岸

澗烟無著窗虛日易明歸驂誰訝久正爲濯塵纓

朝謁建隆寺

宋庠

郡國高皇廟天龍釋帝居兵銷擒布後臺聳畏軒餘寶

榻成蓮座

寺中有當時御榻

戎韜入貝書守臣榮就望屏息拜

前除

揚州雍熙寺納涼

呂本中

高樓有餘涼但見旗脚動鳥語檐角來仰聽風響弄江山
舊還往草木老賓從平生一笑適可得萬鈞重翛然
六尺牀更許佳月共

增修甘泉縣志

卷二十一

藝文

八十一

山光寺前泊舟值雨

呂本中

輕雷喚小雨憶在白沙時綠酒留連醉紅燈取次詩好
風那復有涼月自相隨獨上山光寺清歌無柳枝

維揚萬花園

趙制使經理

宋伯仁

細柳營基鎖綠苔萬花新種小亭臺芙蓉喜見江南客
故向西風一夜開

揚州騎鶴樓

醉倚闌干獨默然淮南不比數年前只宜跨鶴翩然去
休說腰纏十萬錢

后土廟

陳允平

塵擁妝臺翡翠翹
瓊花開盡玉魂銷
崑崙山上天風落
二十四橋吹洞簫

登蕪城古臺

僧保暹

無處堪高望
城邊上古臺
窮秋人獨立
落日雁空回
地險千峯出
霜嚴萬木摧
遲吟不能下
滿眼是塵埃
海陵之堡城

毛珣

四面蒹葭水接天
中間一片是人煙
相逢盡喜干戈息
白鷺飛來立戰船

傍城三十里
芙蓉怪底繁
華浙景無元是
近邊農事少
全憑蓮藕當官租

增修甘泉縣志

卷二十一

藝文

八十二

邊聲籍籍蚤秋風
稻米黃時棗又紅
莫厭水鄉遷避苦
全家載入綠河中

國寶照磨有平野
軒在揚州城郭中
今寓吳十許年矣
至正丙午九月十一日在開元寺爲寫此圖並詩以

贈

元倪瓚

雪筠霜木影差差
平野風烟望遠時
回首十年吳苑夢
揚州依約鬢成絲

明月樓

舒頔

昔年明月照盈盈
今日樓空月自明
銀甲錦箏歌舞地
寒鴉落日澹孤城

皆春樓

樓前景物逐時新樓上笙歌日日春華麗已隨時節換
春風吹恨柳眉顰

嘉會樓

壯年登覽醉歌日況是太平全盛時燕子銜將春色去
畫欄寬處樹旌旗

平山堂

平山堂上構高堂堂下青蕪接大荒堂廢山空人不見
冷雲秋草臥橫岡

蕃釐觀

增修甘泉縣志

卷二十一

藝文

八十三

天上奇花玉色浮祇留一種在揚州如今后土無根蒂
蜂蝶紛紛各自愁

太平橋

青樓翠幙舞纖腰金屋銀屏貯阿嬌二十年前豪俠客
相逢猶是說前朝

按此係維揚十咏之六惜其四未見

廣陵岳宮醮夜觀王澹園高士葺事自登瀛橋迎師入

黃籙壇

成廷珪

濛濛雲氣濕霓旌小隊紅綃鳳蠟明鸞鶴舞隨行道影
魚龍出聽步虛聲淮南高士青毛節句曲仙人碧玉笙

一路天風吹不斷此身今夕在蓬瀛

邱克莊敞雲樓

成廷珪

君家樓外雲如海五色輪囷埽不開每就月明簷下宿
更隨秋色座中來瓊臺夜鶴迷蹤迹玉女春衣費剪裁
看汝乘將一作爾朝帝所舉頭西北是蓬萊

題崔原亨竹深處余家有竹數竿人號之居竹軒原亨

城西時則有竹亦數竿人號之竹深處余與崔君通
家來往所好相同故及之

成廷珪

居竹軒中也自寬不愁無地著琅玕文公胸次空千畝
李洞門前只一竿天與老夫醫惡俗日憑童子報平安

增修甘泉縣志

卷二十一

藝文

八十四

崔家別墅尤高致遲子歸來守歲寒

題畫史王夢麟卷

成廷珪

老翁窮居廣陵市四壁蕭然祇圖史題詩不博一文錢
枯瓦磨窮空費紙不如鄉里諸妙年翰墨遊戲王公前
解衣盤礴作山水一幅何惜千金捐何人最得滄洲趣
麟也于今稱獨步狂吟寄興肯相過畫我東橋竹居處
王伯純讀書別墅晨起有懷縱筆奉寄明張曰寧

伯純河東人寓居揚州有別墅近邵伯鎮常讀書于
彼輕財好客誼侔古人且才甚高長于詩後領河東

鄉薦

數日有所思作詩無好趣思君讀書芳桂林睡起題詩
有新句謝公埭上楝花風密葉啼鸞綠如霧君如塵外
鶴我似書中蠹人生知己海內稀縱有參差不相遇咫
尺思君知幾回遠別懸知亦良苦草亭新竹長昨夜邗
溝雨思君持酒時心逐江潮去明年柳暗金河路君馬
如龍轡如組而今壁上好題詩記取王郎讀書處
梁希鴻廣陵人工古文詞貧不能詣吳門今有所因渡
江見訪得二絕贈之
王世貞

梁生日賦廣陵潮一水吳門天樣遙二十四橋都踏遍
可曾還見伯通橋

增修甘泉縣志

卷二十一

藝文

八十五

揚州白鹽雪滿船揚州白苾白于縣莫將流水輕彈盡
此調那容估客憐

陸無從茂才自揚州來乞文以贈歛人吳惟登得三絕
句與之生高於詩與歐博士楨伯爲廣陵社

金徽玉軫拂塵開流水高山信指裁勿訝新聲移入散
坐中人自廣陵來

維揚詞客盡英髦得句爭誇白雪高一自社中枚叟去

何人八月賦觀濤

謂歐老也

乞將新序向新安一字躊躇下筆難見說龍門饒史筆
教人解作小巫看

葛氏藏書樓歌

朱日藩

中都葛君有道士三世僑居廣陵肆天生妙志用不分
金薤琳瑯殺青字漢帝虛遺三篋書邊韶曾稱五經笥
謁來傾蓋邗江邊知我所癖心相憐不辭寶藏出琬琰
更開武庫森戈鋌嘗言心悟法華轉莫使多方惠子偏
墓中威斗豈足辨宮內騶牙空復傳君家世傳稚川學
不獨遠尋勾漏藥聞君購書起樓時飛梁聳出彭城閣
丹砂句讀細磨勘蜀錦裝池恣裁削金樓子內收未備
竹素園中舉還畧輕車重馬四方來秘府靈山一時鑿
樓西住近賈胡宅櫝中什襲來重譯夜夜文光薄斗牛

增修甘泉縣志

卷二十一

藝文

八十六

火齊珊瑚爭敢射乃知真好不悞人世間尤物皆無益
江花漠漠江水陰江上芙蓉千竹林願乘素舸汎秋色
上樓一解囊中琴爲君彈出眾山響滿壁皆成金石音

邵伯驛

陳子龍

迢遞新城甲仗樓胡牀獨坐望神州當年一曲東山伎
明月清淮萬古愁

九日飲方氏園亭

國朝 俞 森

選勝欣佳會瓊筵倚夕陽花開斜徑晚雁入故宮長

近園

迷樓 屬和慚同調銜杯惜異鄉堪憐籬下菊偏照客衣

黃

叔母詩

汪洪度

叔母閔余從叔先明公妻居揚州乙酉夏聞警矢死夫前城陷被掠已出門給掠者家有藏金誘之還大罵激其怒得截舌裂尸出心肺叔前以死年二十有三叔被害旋甦越二十年病中追憶往烈流涕屬余弟爲作傳余爲賦詩

江城遠邇悲笳起徹夜轟轟礮花紫鋒摧刃折馬蹄滑滿路死人流血水眼看骨與肉頃刻成生離妻前執夫手矢志淚雙垂紛紛耀霜雪甲刀繞城闐阿誰鞭撻走士卒少年將主怒動髮前寨蛾眉青後寨曼睪碧不分

增修甘泉縣志

卷二十一

藝文

八十七

長征我獨棲邃閣深閨恣搜索褰帷忽見紅顏婦言語喧呼笑張口急擁紅顏出門去復戀黃金入門取黃金有時毀匹夫志不改枝柯從剪除連理難分株舌去色猶罵腹剖心不汙饑烏未敢啄飛鳴集我屋屋底黑雲滿新鬼結羣哭望夫獨自上泉臺人間離別不須哀他日相逢有面目我心早向君前暴

按前志列女內未載今從息廬稿中得此詩錄以補之

鄭懋嘉重修休園招飲卽事

呂履恒

眞從谷口憩清幽更識閒情寄日休臥石仰看松影落

憑欄俯聽水聲流喜招散客供縣榻恐有遺文滯選樓
舍近無煩重置驛會逢佳日步來遊

茅司徒廟迎送神辭

厲鶚

廣陵蜀岡平山堂畔有茅司徒廟相傳神五人茅許
蔣祝吳其姓也茅名勝異姓約爲兄弟過谿旁見一
嫗共母事之嫗爲虎食五人奮力殺虎地自是絕虎
患予按南史梁王琳爲陳將吳明徹所殺故吏朱瑒
等請於陳徐陵還其首葬八公山側尋有揚州茅智
勝等五人密送喪柩達於鄴通鑑揚州作壽陽是時
以壽陽爲揚州也琳舉兵平侯景遭時多故間關異

增修甘泉縣志

卷二十一

藝文

八十八

國欲以存梁而卒死於戰五人非親故能送其喪柩
還齊誠義士哉當時江淮間思而祀之隋封司徒廣
陵之廟最著者以宋紹定中有陰殲李全功也母嫗
事近不經驅虎之說或有之韓江雅集同人爲迎送
神詞分得此題因爲辨證如左使事神者有考焉

絙弦兮鼓籠銅飛雨兮江岫東戈彗野兮旗燄空神之
從兮建甯公青林兮望葦火於菟兮弭道左八公山側
兮三臺下雲車未來兮我心苦 斗野平兮烟靄靄位
連蜷兮夜吹笛殢新塘兮銳頭兕回風颯兮降毅姿福
我氓兮大有昌報之兮昔酒神醉止兮歸無方淮月升

吟明古柳

屠家女

閔華

屠家小女作小婦不愛春風好花柳頗諳數米與秤薪
日奉大婦猶奉母大婦一夕泣且言我老更嫁非所論
年華十八正如水當求對值爲汝婚小婦低頭不忍應
只自燈前勤織紵明朝大婦向東家已受釵環一雙聘
東家有嫗來始知一哭痛於初嫁時須與嫗去戶已閉
再拜亡靈從此辭劇憐尺組高懸處空梁卽是黃泉路
貧家姓氏人不聞但識阿師橋畔住

題王梅泚

藻

所輯廣陵倡和錄後

閔華

增修甘泉縣志

卷二十一

藝文

八十九

三度飄零過此都一篇輯錄費工夫也如河嶽英靈集
不是張爲主客圖大抵好詩在林壑可憐名士滿江湖
慙子十載同酬倡竊恐他人笑濫竽

陸南圻

鍾輝

合刻姜白石詩詞成賦以識之

豐城埋劍氣合浦交珠光神物有呵護會合非尋常緬
昔白石翁布衣家番陽馳聲公卿間稅駕山水鄉清詩
琢冰雪秀逸迢尤楊才人有仙語美女無研粧特工長
短句含宮而咀商宋樂見雅奏越俗騰歌章異代少繼
響俎豆尊詞場詩歌凡六卷或存而或亡秀水朱檢討
考據稱精詳太息不得見欲輯徒茫茫詎知物久晦益

用人彌彰邇聞有善本始自南村藏傳鈔己南北鋟者

多罹殃

鹽官張氏既刊以事中輟
松陵汪氏欲繼之亦不果

南圻好古士得此喜

欲狂去取辨真偽字畫推偏旁整頓付梨棗校對勤丹

黃鏤版既己竟印訂成端良傳觀悅四座彷彿聞鏗鏘

初疑小紅唱月底簫聲颺又疑七絃操流水松風涼古

人雖己杳風流猶可望公乎厄生前泛越仍浮湘身世

成贅婿官職惟齋郎卻於交友際往往生慨慷豈識六

百載有客蕪瓣香遺編爲緝綴不啻平生張從茲是完

壁永永垂縹緗臨風試一誦百丈生光芒

移居黃子湖新賃茅屋

吳寅

增修甘泉縣志

卷二十一

藝文

九十

一亭偃蹇寄乾坤斗室何辭費討論椽葺香茅搜鼠婦

籬編新竹護鷄孫不妨杜甫愁吹屋却被劉伶笑入禪

戶外烟波渺何處滿湖風月一江村

聞揚州新濬城濠寄故園兄弟

方覲

聞說城濠水今通揚子津湖平栽藥圃花冑釣魚綸畫

舫春波潤紅橋夜月新簫聲隔楊柳誰與醉芳醕

早夏憶維揚風物寄同會諸酒人四首 蔣繼軾

芟芽出水荻苗齊鷺社湖連邵伯隄正是揚州春盡日

流鸞嘒過竹林西

落花風細柳吹絲夢裏紅橋載酒船鴨綠半篙新雨後

鈎簾人詠點溪錢

有名芍藥趁花移翠筍朱櫻上市時春酒中人思解渴
綠陰深院試槍旗

揚子橋邊新漲生焦公山下早潮平江風正暖鱖魚上
最好移船就網烹

題簡禪師詩集 師諱睿畧茂苑人洪武間曾主天甯
講席有爪髮塔在讓圃鴨脚樹下其銘則姚榮公筆
也今歲從叢書樓鈔得師所著松月軒集因題其後

張四科

雙林禮塔十經春今見清詩一卷新日暮碧雲吟未合

增修甘泉縣志

卷二十一

藝文

九十一

舊時松月屬閑人

偶向花宮乞一隅遺銘手埽出荒蕪衍師地下猶相愧
參得南宗了義無

邗溝廟

王藻

簫鼓叢祠映碧杉君王精爽託巫咸曾勞越客張絲網
却誤隋王學錦帆此地蘋花馨里社故宮梧葉冷靈巖
長溝一道通淮甸雄畧當年想不凡

阿師橋

馬日璐

虹梁二十四一一難具求惟有阿師名事以盧李畱二
生去已邈仙跡空悠悠北亭待飲處彷彿聞筇篻不見

朱字書汨汨春波流荒浦帶遠樹斷岸縈遙舟我來一
憑訪滿目雲天愁導引本無術讀書窮雕鏤草屨布衫
客還得相遇不徘徊頽陽下新蒲聲颼颼朗吟謝朓句
驚起雙白鷗

晉樹軒

畢沅

高柯拔地起寂歷蔭僧寮疎簾掩清篔簹鎮日有涼飈六
朝雲一片停來綠未消

灣頭

畢沅

松棚板屋兩三家瓦鈔甌爐各賣茶愛殺鷄豚游息處
金銀開遍滿籬花

增修甘泉縣志

卷二十一

藝文

九十二

按明初戶部分司舊治灣頭正德間移鈔關

題瓊花觀圖

蔣士銓

庭內栽花晴雪光井中製藥丹砂香神仙遊戲偶一露
井不可入花難長天神地祇列郊祀富媪憑誰傳姓氏
蕃釐立觀閱千秋求福迎祥都已矣瓊花自是揚州葩
入杭入汴皆不花露盤移去絕沆瀣羯鼓擊破無萌芽
李花楊花開落頃換出冬青壽年永洛陽爭獻姚黃嬌
建州各進龍團餅阿麼羣芳列金屋不在區區一枝玉
蕪城本是帝王家稗史流傳非實錄紛紛烽火照南都
禁樹宮花幾次枯孤亭尚賸無雙字絕豔空圖第一株

轆轤取汲春泉滿地底疑通九仙館試問丹房白鼠身
可有神鞭爲收管玉勾芳冢草不青玉勾洞天春已扁
道人夜打梅花磬驚起秋原萬點螢

題褒忠錄

趙翼

斗大孤城殺氣結死氣入鼓鼓皮裂守城力盡與城亡
頸血如湯浴鐵熱臨危殉節豈所難所難與賊共彈丸
先是寇氛猶可撲封疆失計在招安小臣主勦不主撫
總理令來誰敢阻可憐僻邑萬山中分插賊營十四五
大憲以縣爲鄰壑醜徒視城作外府臥榻旁偏睡有人
窮山坐乃衛以虎此時勢已養癰成制客兵須仗主兵

增修甘泉縣志

卷二十一

藝文

九十二

間道乞師百不應獨教一木力支傾一朝賊魁鄰縣起
此地羣兇盡穀矢殘黎數百急登陴分塚當衝半餒鬼
朔風一刮立不牢城頭亂落如飄蕪享士并無妾可烹
簽兵已歎民皆死雉樓月黑燈無光綠梯萬蟻上女墻
殺賊不盡被賊殺奮頭甘試歐刀鋸嗚呼臣死國子死
父僕死主一門忠烈入汗青碧血斑斑照千古傳芭兮
伐鼓夜夜英靈嘯風雨

惠照寺或言古木蘭院也見禹卿於此寫維摩詰經

姚鼐

落盡淮南萬樹紅晝陰僧院鳥玲瓏檐含梅子黃時雨

戶進新篁綠處風出世了無香海界置身休在碧紗籠
鍾堂一飯成遺迹回首天花丈室空

查篆仙

清

於揚州訪得其族二瞻墓荒翳幾盡爲修整

種樹立碑旋獲二瞻舊硯於僧舍自紀以詩屬繼作

二首

姚 鼐

一團紫壁墮僧扉無復蛟龍引墨飛百歲白虹重吐氣
更從濡染寫珠璣

形骸石硯孰爲親一臥荒郊一几茵梅壑有靈應附此

諸孫門內接詩人

二瞻號梅壑老人

同人鐵佛寺看梅醉中放歌

朱孝純

增修甘泉縣志

卷二十一

藝文

九十四

此地未必無名山金朱紺碧堆其間此地未必無名水
日夜笙歌逐羅綺何年有此鐵佛寺茫茫遠自五代季
墮碑遺址無復尋松柏參天走雲氣前臨黃土岡青山
相映蔽一色梅花爛漫開斷橋流水非塵世有如彼美
絕世立鉛華不使污佳麗揚之人士愛者誰我與諸公
結幽契坐久時參鼻觀香忘相悠然識真意春酒難盡
還復斟夕陽已掛西山岑我思爲古佛不然化作梅花
林鐵爲骨兮水爲心蒲團坐我松之陰更買竹西十千
之美酒歷三萬劫長酣吟

寄揚州馬秋玉乞許氏說文諸書

周 京

江左人爭說項斯知君標格住瑤池神仙有字難容飽
願乞餘光及杖藜

先生閱覽絕塵寰不數淮南大小山憐我讀書求識字
莫教鼓篋笑空還

戴又李借天甯僧園隙地構亭日辯儀為賓客飲射之
所招集賦詩各成二首

鮑 臯

謝公行處路依稀為闢榛蕪廣四圍當日人來攜不借
於今客到引忘歸射場閑曠精廬改棊會風流晉代非
玉局瓊弧遠相並總憐初地未忘機

入林鼓點雨聲聽入林榜門書也賓謙從容日未暝觀禮自應

增修甘泉縣志

卷二十一

藝文

九十五

從小戴辯儀聊用誌吾亭城頭初月弓弦曲海上仙山
射的青擬解天弋嗤誕漫何如一發酒雙鉞

梅花書院讌集即席贈馬丈曰琯 王世球

高會名園樂事偕放晴天氣惠風諧林間新鳥聲聲靜

砦外天桃樹樹佳老輩經過開太室予師王先生罕皆陳先生見復查先

生星南後先主講席於此故人分散隔長淮舊時同學者如蔣秀才爽謝編修溶生王庶常

翊皆在都張進士文官山左觴餘話舊情無限星影窺簾露濕階

曲江風雅得相於馬文昆弟與兩浙厲孝廉鶚陳山人章杭太史世駿姚秀才世鈺全太史

祖望締交最深唱和新詩錦不如亭館玲瓏歌嘯足邱樊跌宕

性情疎校讐多愧名山業時輯鹽志初成與費修大冒甚原陳授衣樓于湘舍弟濯

江刊校
於此

涉獵難窺金匱書一夕花前共清醉傾心頓慰

廿年餘

己巳冬季謝星埜宗澹園移潘雪帆及僧遠村墓

前人

遺老孤墳漸欲迷移來還傍蜀岡西人間陵谷何時定
客路精魂到處棲凍雪尙應憐白骨春風還許聽黃鸝

松門新雨誰相伴並爲山僧徙墓碑

遊甘泉山

李滋裕

廣陵西北部山橫壓地軸突兀名甘泉救旱同川瀆岡
巒二十八列峙如拱服上有七峯連蒼然勢盤鬱我昔
漫經過徒步苦炎熇今春風物佳芳甸思尋逐招要有

增修甘泉縣志

卷二十一

藝文

九十六

高會恰使前遊續平明走車騎亭午入山麓紆迴古寺
門疊磴先憩足消煩酌春泉齒頰餘芳馥拄杖繞松篁
仰視龍岡矗扳援陟危巔扶輿徧清淑烟嵐眾象深阡
陌入遙目循行得古塚蔓草流碑覆蒼蔚出甘霖能濟
窮檐哭何緣謝塵氛結廬此山曲

同吳葍埜過枝上村登彈指閣觀文思上人所藏黃瘦

瓢畫卷

許天球

歲月悠悠只指彈振衣百尺倚闌干翠環傑閣千林迴
風壓層檐四月寒舍影分僧毫際築詩濤湧客卷中觀
卽今韻事追靈運雨到何妨罄夕歡

爲江鶴亭題重修鐵佛寺

沈大成

石橋松徑寺門開舊迹楊吳指劫灰一刹勝因今再復

三生結願此重來秋風木葉停征騎廣陵紅葉此地爲最夜月梅

花弄酒杯寺外皆梅花難得主人真好事分題角藝鎮徘徊

春秋佳日每同
余輩來遊賦詩

傍花村卽目

沈大成

杖藜城外去一徑入烟村碧樹平圍野黃花直到門亂

鴉歸屋背老牯繫籬根寂寞秋深意王蒙小筆存

以上續志

廣陵賦 并序

國朝 吳錫麒

增修甘泉縣志

卷二十一

藝文

九十七

余往來維揚見其俗奢靡欲折之以道而未能也因設
主客問答之辭合兩都七發之體作爲斯賦以俟後之
君子覽焉其辭曰

客有羈旅維揚關河已霜鴉團團於枯樹雀啾啾於空
倉憬短晷之餘照睇浮雲之薄光孤懷浩蕩獨立徬徨
有逆旅主人過而言曰夫人寡識者慮長勞身者心逸
是故戶樞不蠹而湟潦易溢今子旣頽放其四支又踟
躑於一室則幽憂之疾何以釋諸將與擴川源之覽窮
佳麗之搜履綦前代纂論千秋子能從我遊乎客曰唯
唯於是泥行命屐水行命船侶蘆人而采雪狎戲子而

尋煙西涉方山南臨江壖遂沿艾陵歷姜堰而還焉稅
駕無千里之遠乘潮有一席之便翫薜蘿之在眼樂風
波以忘年主人曰噫嘻異哉子之遊也何獨志耽於寥
落之區而不知身在於繁華之藪乎客曰貧富不相掩
奢儉亦自爲胡九州之大而繁華之在茲子盍爲我言
之主人曰昔夫差之城邗溝也通淮於江地曰廣陵由
來舊矣劉濞繼之而利以阜銅山峩峩紅粟欲朽財賦
之雄克耀厥後逮隋煬帝開山陽之瀆采新宮之圖迷
樓旣成幸乎江都錦帆百尺龍舟千里旌旗蔽虧莫知
煙水加以垂柳垂楊千行萬行腰扶綠瘦眉銜黛長窈

窈兮映殿脚之嬌女飄飄兮拂飛仙之靚妝十宮連兮
笙歌沸四帳啟兮羅綺香臨江光以賜酺陳羽飾以行
觴東都之螢火徵到南部之煙花選將但永留乎月觀
亦何恨乎雷塘又有迎仙建樓延和啟閣毬場之燭成
圍錦洞之花不落綵繖玢幽磅唐揮霍喜陳迹之可尋
洵人生之行樂客曰偏霸之君五尺羞稱昏淫之主史
冊勿榮况復扶民之膏腴民之生酒漿旣已竭毛羽無
弗徵高臺始築而麋鹿畢登雕輦未降而蔓草先縈哀
蟬兮落葉野鼠兮枯籐西風起兮陰燐舞寒雨歇兮漆
燈明笑古人之已拙何後來之代興嗟櫛木之氣索孰

沙邱之夢醒取以爲鑑則可矣尙何吾耳之足傾哉主人曰古來之樂誠無慕乎爽鳩日者之歡宜有羨於菟裘子不見富室大商通闐帶闐擊鐘鼎食出入連騎耳聾箏琶舌破甘脆齊紈被於僮僕秦珠飾乎姬侍用無勿儲器無勿備陋卵畫而薪雕極金迷而紙醉園亭之勝甲乎四方程巧致功相陰度陽轉洞房而景入俯曲室而霞藏亞花當以裁牖隙蜂腰而嵌廊與夫奇木珍石名葩秀篁文鱗淬錦嬌鳥約簧圖之莫能盡言之莫能詳取樂今日何憂太康客曰嗚呼吾今而知揚之爲揚也夫輕浮之俗前志病之藉土地之膏沃賤樸誠而

貴衰奇富擅魚鹽利競刀錐農不勤畝婦不織機百金之花千錢之鮒家無蓋藏而費乃不貲觀涼雩之集霰懼憂患之自罹方賴有識者導其節儉去其澆漓却走馬以糞田陳蟋蟀之風詩若子之言何乃習非而遂迷也且吾聞之儒有半畝之宮環堵之室彈琴詠歌取足容膝亦何必殫剗劓於斧斤恣塗飾於丹漆緣高明而致瞰轉騰笑於衡泌主人曰然則列真結宇於太空維摩說法於方丈伊冲漠之爲宗宜清淨之是尙而且輿馬之盛雜襲乎蕃釐歌吹之喧駢闐乎竹西碧天紫極普門菩提土木瓌譎金碧陸離接鸞鳳於縹渺顯龍象

之威儀擲金錢而不惜並風俗而可移客羨仙人之鶴
戶畫文殊之眉玉勾洞裏春在兜率宮中夢歸上界官
府亦可爲華嚴富貴甯不知結蒲鍊石行與子期客曰
余受孔子之戒未暇究心於二氏矧妖亂之志戒於往
史閻黎之鐘聞之莞爾禪鑽未能仙饗可恥毋眩惑於
將來請折衷於要理主人曰天塹之險魏武阻臨江之
威焉蕪城之賦參軍興憫亂之悲焉或亭餘戲馬之號
或樓有籌邊之壘背崕競進凌波欲飛蒼頭公來蒙楯
而克敵黑雲都起浴鐵而致師人非佳兵地乃用武思
猛士之弓刀想大將之旗鼓雜紅樹以搖烽激寒飈而

響弩方將召蒸徒進虞旅走馬若滅提劍而舞笑英雄
之卅六比精銳於北府此亦有志於時者之所爲也子
願憑軾而觀之乎客曰武不可觀兵不可玩子毋易視
乎三軍吾恐不可以一戰也登崇岡而迴眺企往昔之
英風峻誓軍而慷慨安賭墅而從容韓大儀而尅敵趙
新塘而馘凶莫不摧堅如拉朽取將若撥釁制勝於疆
場之上決策於幃幄之中且夫臣願爲良毋願爲忠至
於撻鋒冒刃斷脰陷胸血三年而化碧氣十月而成虹
戈戟埋而梅花發衣冠葬而蒼苔封弔國殤於落日颺
神旗於夕風人生到此悲憤安窮方

今世際承平民忘兵革可不用於百年毋勿備於一日將
循江而習流效投醪而均澤彼組甲而被練徒致飾而
無益況暴虎與馮河又先聖之所斥哉主人曰戰之必
慎旣聞命矣若夫游心於翰墨之林博覽乎圖書之盛
匪今自榮惟古爲鏡則人稱書簾地號選樓提鉛握槧
沿墳襲邱通蝌蚪之古語慕蠹魚之仙遊奧衍莫窮新
奇足喜小說本於虞初勾股詳於周髀冠述者知天文
履絢者知地理抽淪掇潛出神入鬼名山有藏煙海無
底亦有綵筆仙人詞壇冠軍歌翻九曲月寫二分勝碧
笥之涼酌餞紅藥之濃春唱酬互作謠詠相聞一則出

新杼以呈美一則借餘糧以饋貧知子之學於舊史氏
也曾亦有取於斯文乎客曰以子之願則宏矣然華而
不實博而不精猶侈靡之爲害胡沾沾而取盈獨不見
聖天子之惠我儒生乎度宏規而建閣被文匯之嘉名森寶樹
之炤爛光昱昱而英英瑤華西邁而龍夾宛委東接而
鳳迎發秘象於奎璧鏗奇奏於韶箴是謂包萬有是謂
集大成然而香籟之豔則點而勿登青詞之鄙則削而
弗仍分宵緝典練日陳經蓋奏御者不知幾萬億帙而
刪繁就簡惟稟諸

離照之聰明故能章謨典之訓揚和樂之聲夫積千狐之皮不

如集腋而製也漬雙雞之膳不如取洎而饋也苟窮大而失居究飈燄而易失或古人之未窺已詞章之自伐恐日逐於浩唐徒自彫其齒髮主人乃憬然神悟緬然意欣避席而起曰有味哉由子之言豈徒文字之謂使由奢而返約去僞而歸真夫亦何道之弗臻哉則試以之勵人心善風俗教農蠶訓敦睦鹽鐵議罷於伯威珠貝示禁於君玉命羅適使課桑舉劉晏以治粟廣川明道以弼教晦叔惠氓而作牧吏悃悞而無華民孝弟而尚樸庶比戶之可封何此邦之不穀若曩之談譬蓼蟲之忘辛祇自徇於所欲蒙西子之不潔願三釁而三沐

特不識子既言之有徵矣抑亦用行之可卜乎客曰夫言者心之聲也虛車之飾君子勿爲豈匡居服習而不可見於措施惟予有犬馬之疾不能從事於斯幸見泰階之平

聖化醕濃浸淫流溢有一夫之不獲已卹然其若失故賢者在位能者予秩統大魁而爲笙則陔華之音發矣子能躬自濯磨毋桐好逸亦都人士之望也垂光虹霓正在今日勉之哉青山咫尺白雲招予別子江渚歸吾故廬被褐帶索歌唐詠虞素琴三尺濁酒一壺

乾隆五十二年正月中謁大興朱侍郎於錢塘侍郎謂
中曰余先世籍蕭山本會稽地今適奉使於此嘗覽朱
育對濮陽興語熹其該洽度後之人不能也吾子咨於
故實而多識前言往行亦可以廣陵之事諗余乎對曰
中幼而失怙未更父兄之訓長游四方又有昏瞽之疾
故書雅記十不闕一何足以酬明問抑聞不知而言不
知知而不言不忠二者中之所不敢出也昔者黃帝迎
日推筴分天以爲十有二次南斗牽牛是爲星紀七政
會焉布算者於是乎託始而後歲月日時咸得其序揚
州之域是其分野自漢以來或治歷陽或治壽春或治

建業而廣陵卒專其名其占應之昆侖之山寔維西極
河出其北江出其南自麗江至於高闕其距八千里萬
折而東夾廣陵以入於海而邗溝貫之江河於是乎合
焉於辰爲維首於水爲歸墟故廣陵者天地之所以成
始而成終也竊嘗求之人事稽其善敗之迹比於矇誦
其庶幾乎夫秦滅六國楚最無辜當陳王首事而死楚
地之眾未有所屬其有矯命項氏引兵渡江以爭天下
遂戰鉅鹿西屠咸陽則召平首建大謀以報秦仇也漢
室傾危董卓千紀百城拊心莫敢先發其有區區郡吏
無爵於朝而義感邦君結盟討臯升壇慷慨必死爲期

則臧洪說張超起兵糾合牧守以誅賊臣也祖約蘇峻稱兵犯闕幼主幽厄京師塗炭其有固守孤壘大誓三軍力遏賊衝以保東土西師乘之遂殄狂寇則郗鑒董率義旅犄角上游以匡晉室也桓元負雄豪之名藉累世之資挾荊州之衆乘晉道中衰本末俱弱易姓受命人無異心其有手梟逆徒協謀京口既克建康偏師獨進凶族盡夷乘輿反正祀晉配天不失舊物則劉毅舉州兵以平桓氏光復大業也侯景反噬二宮在難諸鎮不務徇君父之急而日尋干戈甚者望風請命委身賊手其有居圍城之中無謀人軍師之責而倡義勤王有

死無二則祖皓來嶷襲斬董紹先馳檄討景爲梁忠臣也武氏淫虐人倫道盡臨朝稱制唐祚將傾其有控引江淮奉辭討賊功雖不成其所披洩亦足伸大義於天下則徐敬業舉兵匡復殺身亡宗以酬國恩也且夫武氏之立勳實贊之敬業旣心在王室又以蓋前人之愆忠孝存焉侍郎曰敬業不直趨洛陽而覷金陵王氣固忠臣與中日兵者凶器當唐全盛之時武氏積威所劫海內莫不聽命敬業舉烏合之衆起而與之抗故欲掃定江表厚集其力先爲不可勝以待敵之可勝發謀之始義形於色握兵日淺未有不臣之迹安可逆料其心

而備責之哉春秋賢反經禮毋測未至推斯義也雖與
日月爭光可也侍郎曰善願卒聞之曰藝祖擢自行間
典兵宿衛受周厚恩幸主少國疑倒戈自立其有前代
懿親不樂身事二姓繕兵守竟城孤援絕舉族徇之則
李重進以淮南拒命握節而死下見世宗也宋氏積衰
元兵南伐勢若摧枯列郡土崩不降則潰其有孤城介
立血戰經年洎行在失守三宮北遷而焚詔斬使勇氣
彌厲忠盛於張巡守堅於墨翟則李庭芝乘城百戰國
亡與亡也當明季世流寇滔天南都草莽姦人在朝方
鎮擅命國勢殆哉不可爲矣其有上匡闇主下撫驕將

內攬羣策

督師開禮賢館士多歸之

外抗

天兵鞠躬盡力死而後已則史可法效命封疆終爲社稷臣也
故以廣陵一城之地天下無事則鸞海爲鹽使萬民食
其業上輸少府以寬農畝之力及川渠所轉百貨通焉
利盡四海一旦有變進則翼戴天子立桓文之功退則
保據州土力圖興復不幸天長喪亂知勇俱困猶復與
民守之效死勿去以明爲人臣之義歷十有八姓二千
餘年而亡城降子不出於其間由是言之廣陵何負於
天下哉侍郎曰卓哉言乎昔陳郡袁氏世有死節之臣
矜其門地不與人伍今聞吾子之言天下百郡洵無若

廣陵者後之過者式其城焉可也抑聞之危事不可以爲安死事不可以爲生則無爲貴知矣此數君子者劉毅材武故有戰功郗公名德雍容而已自祖皓以下敗亡接踵意川土平曠非用武之地與其民脆弱不可以卽戎與若其建名立義類多守土之臣又虞翻所謂外來之君非其土人者也子其有以語我中曰蔡澤有言人之立功豈可期於成全邪身與名俱全者上也名可法而身死者其次也名在僂辱而身全者下也必若所言求之前代功名遂抑有人焉孫策用兵彷彿項羽既定江東威震海內舉十倍之衆叩城請戰陳登出奇

制勝再破其軍由是畫江以守吳雖西畧而北不益地尺寸則匡琦之戰爲之也金人乘百戰百勝之勢挾齊南下其鋒不可當韓世忠要之半塗多所俘馘諸將用命同時奏功戰勝之威民氣百倍由是開府山陽屹爲重鎮而淮東久不被兵則大儀之戰爲之也李全聯京東以爲餌通蒙古以爲窟屢賊帥臣厚索稟賜乍服乍叛十有六年朝廷姑息有似養虎旣連陷州縣進薄三城太清之禍近在旦夕趙葵建議討賊身肩其事輕兵迭出所向有功由是長鯨授首餘寇悉平迅掃淮壖復爲王土敵國寢謀宗社再安則新塘之戰爲之也三者

保竟卻敵之功至壯也非地不利人不勇也苻堅強盛
禹迹所奄九州有其七傾國南侵目無晉矣讞元以北
府之兵選鋒陷陳使數十萬之衆應時崩摧秦因以亡
由是再復洛陽進軍臨鄴國威中振尊謚曰武則淝水
之戰爲之也開皇始議平陳賀若弼獻其十策已而潛
師濟江據其要害直抵近郊於時建康甲士尙十餘萬
人魯達忠勇人有死心而弼力戰摧鋒破其銳卒禽其
驍將由是陳諸軍皆潰新林之師鼓行而進江左以平
則白土岡之戰爲之也朱温雄踞大梁并吞諸鎮悉其
精兵猛將三道臨淮當是時淮南不守錢氏馬氏必不

能自立温之兵力極於嶺海地廣財富則難圖也楊行
密朱瑾決計攻瑕梟其上將偏敗衆攜長驅逐北由是
保據江淮奉唐正朔關土傳世終梁之亡不能得志於
吳則清口之戰爲之也夫晉之與秦吳之與梁皆非敵
也然舉一國之命決機於兩陳之間小則兵敗將死大
則國亡若是矣又况南北區分垂三百年一戰而天下
合於一以此行師其孰能禦之詩曰武王載旆有虔秉
鉞如火烈烈則莫我敢曷廣陵有焉若夫異人間出邦
家之光前之所陳固猶未盡爲其事之不繫於廣陵也
則請備言之桓靈之際常侍擅朝朝野切齒劉瑜以宗

室明經身侍禁闈協心陳竇議誅宦官仰觀天文俾其
速斷謀之具違并隕其族而漢業亦衰同姓之臣與國
升降屈平之志也王敦專制朝政有無君之心戴淵忠
諒盡心翼衛及戎車犯順石頭失守雖偪凶威抗辭不
撓主辱臣死卒蒙其難正色立朝人莫敢過而致難於
其君孔父之義也武氏始以色升浸成驕橫來濟諫之
上官儀謀廢之納君於善繼之以死比干之仁也龐勛
既陷武寧泗爲巡屬又當長淮之衝在所必爭辛讜出
萬死不顧一生之計冒圍求救往反十二是時賊兵北
及泰山南至橫江主帥既戕官軍屢衄而肘腋之下一

城獨完苦身愁思以憂社稷申包胥之哭也黃巢豨突
京師僭稱大號乘輿播於遐裔羣盜蠡起跨州連郡唐
之政令不復行於四方當此之時天命去矣王鐸連十
道之兵總九伐之任承制封拜以繫海內之心王師既
奮賊遂走死而唐祚之復延者且三十年二相千位諸
侯宗周共和之政也宋氏武功不競西夏跳梁宇內騷
然當亡盱眙食張方平建議赦其辜而與之更始由是元
昊請臣而中國之民得以休息及熙寧用兵再進苦口
謀臣不忠遂成靈州永樂之禍而神宗以此飲恨而終
王者務德而無勤民於遠祭公謀父之諫也故廣陵自

周以前越在荒服其時人士未聞於上國秦漢而下始有可紀然當三代盛時忠臣烈士之行事所震耀於天壤者先民有作舉足以當之此亦才之至盛已至若政事法理經緯乎民生文學道藝立言不朽里閭耆德孝子貞婦一至之行蓋以千百計非國家之所以廢興存亡者則皆畧之考其事迹則如彼語其人才則如此維桑與梓必恭敬止故君子尤樂道焉夫子詳之侍郎曰善乎子之張廣陵也辭富而事覈可謂有徵矣古者誦訓之官掌道方志以詔觀事王巡狩則夾王車故曰山川能說可以爲大夫吾子其選也朱育之對何足以當

增修甘泉縣志

卷二十一

藝文

百九

之中謝不敏退而發筴謹錄爲是篇

廣陵曲江證

汪中

枚乘七發將以八月之望與諸侯遠方交游兄弟竝往觀濤乎廣陵之曲江廣陵漢縣今爲甘泉及天長之南竟江北江也本篇李善注引山謙之南徐州記京江禹貢北江春秋分朔輒有大濤至江乘北激赤岸尤更迅猛南齊書地理志南兗州廣陵郡土甚平曠刺史每以秋月多出海陵觀濤與京口對岸江之壯闊處也二文竝明覈可據本篇凌赤岸簪扶桑李善因扶桑之文并赤岸疑在遠方然郭璞江賦鼓洪濤於赤岸淪餘波於

柴桑正承用七發文則七發扶桑當作柴桑字之誤也
今潮猶至湖口之小孤山而回目驗可知江賦注赤岸
在廣陵輿縣寰宇記赤岸山在六合東三十里高十二
丈周四里土色皆赤因名顧祖禹方輿紀要引南兗州
記潮水自海門入衝激六七百里至此其勢始衰郭璞
江賦所謂鼓洪濤於赤岸也今按此山府縣志所載土
俗所稱均無異議故曲江之爲北江非孤證矣往者吾
鄉越閩辰六以廣陵濤榜其齋閣秀水朱檢討與書爭
之以爲七發所云在錢唐其言實謬檢討所據者本篇
弭節伍子之山通厲骨母之場依注以骨母爲胥母之

譌而不言二地所在又節酈氏水經漸江篇注以爲證
不知越之北竟至今之石門浙江非吳地故越語句踐
之地北至禦兒韋昭注今嘉興語兒鄉也吳語大夫種
謀伐吳曰吾用禦兒臨之韋昭注禦兒越北鄙在今嘉
興是也爾雅釋地吳越之間有具區其言審矣於時戰
地竝在今蘇州嘉興二府之竟故春秋定公十四年於
越敗吳於檣李杜預注吳郡嘉興縣南醉李城傳吳伐
越越子句踐禦之陳於檣李又闔廬還卒於陘去檣李
七里哀公元年傳吳王夫差敗越於夫椒注吳郡吳縣
西南太湖中椒山越語句踐卽位三年興師伐吳戰於

五湖不勝是也吳越交兵凡三十二年內外傳所謂江
竝吳江也故春秋哀公十七年傳越子伐吳吳子禦之
笠澤夾水而陳吳語越王句踐乃率中軍泝江以襲吳
入其郭韋昭注江吳江也又吳王起師於江北越王軍
於江南韋昭注江松江去吳五十里是也吳殺子胥投
其尸於江亦吳江也七發注引史記吳王殺子胥投之
於江吳人立祠於江上因名胥母山史記伍子胥列傳
吳王取子胥尸盛以鴟夷革浮之江中吳人憐之爲立
祠於江上張晏曰胥山在太湖邊去江不遠百里故云
江上正義引吳地記曰越軍於蘇州東南三十里又向

下三里臨江北岸立壇殺白馬祭子胥杯動酒乾盡後
立廟於此江上吳太伯世家正義引吳俗傳子胥亡後
越從松江北開渠至橫山東北築城伐吳子胥乃與越
軍夢令從東南入破吳越王卽移向三江口岸立壇殺
白馬祭子胥杯動酒乾盡越乃開渠子胥作濤蕩羅城
東開入滅吳至今號曰示浦門曰鱸鯨是也吳投子胥
之尸豈有舍其本國南竟五十里之吳江乃入鄰國三
百餘里投之浙江哉然則伍子之山胥母之場固與浙
江無涉不得引以爲證吳越春秋句踐殺大夫種葬於
國之西山一年伍子胥從海上穿山脅而持種去與之

俱浮於海故前潮水揚波者子胥後重水者大夫種也
其言固誕然但言海潮而不言浙江也論衡書虛篇吳
王殺子胥投之江子胥恚恨驅水爲濤以溺殺人今時
會稽丹徒大江錢唐浙江皆立子胥之廟蓋欲尉其恨
心止其怒濤也二江竝祭子胥乃在東漢之世水經淮
水篇注引應劭風俗記江都縣有江水祠俗謂之伍相
廟也子胥但配食爾歲三祭與五岳同子胥之配食大
江是惟命祀漸江篇注據吳越春秋以七發所云專屬
之浙江則誤矣檢討又云曾鞏序鑑湖圖有所謂廣陵
斗門者在今山陰縣西六十里去浙江不遠今以其地

準之實在浙江之東自吳至浙不經其地且係堰插小
名何取於是而以之冠曲江之上哉是時吳王濞都廣
陵北江在國門之外故強太子往觀之若踰越江湖千
二百里以至浙江則病未能也檢討又云江都之更名
廣陵在元狩三年時乘已卒不應先見之於文則尤謬
史記五宗世家江都王建自殺國除地入於漢爲廣陵
郡據漢書諸侯王表地理志竝在元狩二年其時所更
名者廣陵郡也而廣陵郡自有廣陵縣爲郡治爲吳江
都廣陵三國都其名則在楚在秦在荆在吳在江都皆
有之故史記六國表楚懷王十年城廣陵項羽本紀廣

陵人召平於是爲陳王徇廣陵樊鄴滕灌列傳灌嬰度淮盡降其城邑至廣陵吳王濞列傳孝景前三年正月甲子初起兵於廣陵不得謂元狩三年之前無廣陵之名也漢所置郡國若宏農陳留平原千乘丹陽桂陽零陵武都安定朔方皆取縣名名郡廣平眞定信都廣陽高密皆取縣名名國此例甚多故江都之爲國廣陵之爲郡爲國皆以縣也檢討不根持論雖越俗好鬼錢唐廣陵侯之淫祀舉子所業元人錢惟善之試卷皆備舉之而於經史正文反屏而不觀及一引漢書而其謬若是亦後學之大戒已至廣陵城本在蜀岡上邗溝環其

東南江卽在其外故水經淮水篇注云昔吳將伐齊自廣陵城東南築邗城城下掘深溝謂之韓江亦曰邗溟溝今自廣陵驛而北爲舊城之市河北至堡城折而東至黃金埧會於運河是其故趾自此入淮一名中瀆水故云中瀆水首受江於廣陵郡之江都縣縣城臨江是也晉以後江益徙而南故沔水篇注云毘陵縣丹徒北二百步有故城舊去江三里岸稍毀遂至城下城北有揚州刺史劉繇基淪於江是也今揚州城外運河唐王播所開事見播傳其時江猶至於揚子橋而東關以外在漢則江滸也然則城東小水之稱廣陵濤固非無據

也凡檢討所云惟水經注承酈氏之誤其餘無一是者恐後人習謬而不知故爲正之

哀鹽船文

汪 中

乾隆三十五年十二月乙卯儀徵鹽船火壞船百有三十焚及溺死者千有四百是時鹽綱皆直達東自泰州西極於漢陽轉運半天下焉惟儀徵縮其口列檣蔽空束江而立望之隱若城郭一夕併命鬱爲枯腊烈烈厄運可不悲邪於時元冥告成萬物休息窮陰涸凝寒威凜慄黑晷拔來陽光西匿羣飽方嬉歌詈宴食死氣交纏視面惟墨夜漏始下驚飈勃發萬竅怒呶地脈盪決

增修甘泉縣志

卷二十一

藝文

百十四

大聲發於空廓而水波山立於斯時也有火作焉摩木自生星星如血炎光一灼百舫盡赤青煙耿耿燦若沃雪蒸雲氣以爲霞炙陰崖而焦爇始連楫以下碇乃焚如以俱沒跳躑火中明見毛髮痛晷田田狂呼氣竭轉側張皇生塗未絕倏陽燄之騰高鼓腥風而一映泊埃霧之重開遂聲銷而形滅齊千命於一瞬指人世以長訣發冤氣之焄蒿合游氛而障日行當午而迷方揚沙礫之嫖疾衣繒敗絮墨查炭屑浮江而下至於海不絕亦有沒者善游操舟若神死喪之威從并有仁旋入雷淵并爲波臣又或擇音無門投身急瀨如蹈水之必濡

猶入險而思濟挾驚浪以雷奔勢若躋而終墜逃灼爛
之須臾乃同歸乎死地積哀怨於靈臺乘精爽而爲厲
出寒流以浹辰目眊眊而猶視知天屬之來撫懣流血
以盈眦訴強死之悲心口不言而以意若其焚剝支離
漫漶莫別圜者如圈破者如玦積埃填竅擺指失節嗟
狸首之殘形聚誰何而同穴收然灰之一抔辨焚餘之
白骨嗚呼哀哉且夫衆生乘化是云天常妻孥環之絕
氣寢牀以死衛上用登明堂離而不懲祀爲國殤茲也
無名又非其命天乎何辜罹此冤橫游魂不歸居人心
絕麥飯壺漿臨江嗚咽日墮天昏悽悽鬼語守哭迺遭
增修甘泉縣志

卷二十一

藝文

百十五

心期冥遇惟血嗣之相依尙騰哀而屬路或舉族之沈
波終狐祥而無主悲夫叢冢有坎泰厲有祀強飲強食
馮其氣類尙羣遊之樂而無爲妖崇人逢其凶也邪天
降其酷也邪夫何爲而至於此極哉

以上新增

